

歷代職官表

冊五

欽定歷代職官表卷十三

刑部表

三代秦

漢

後漢

三國

晉

宋齊

梁陳

北魏

北齊

後周

隋

唐

五季

宋

遼

金

元

明

刑

夏

司寇

尚書

三公

二千

石曹

尚書

三公

都官

尚書

都官

尚書

都官

刑部

尚書

刑部

尚書

伊勒

希巴

尚書

刑部

尚書

殷

司寇

曹

書

尚書

尚書

刑部

尚書

刑部

尚書

刑部

尚書

刑部

尚書

刑部

尚書

刑部

尚書

刑部

尚書

刑部

尚書

周

司寇

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

大司寇

秋官

尚

書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

尚書

書

書

書

書

書

書

書

書

書

書

書

書

書

書

書

書

書

書

書

書

書

書

書

刑部 十八人 司 郎 中

士師
下大夫

三公
曹郎
二千石
曹郎

二千石郎
都郎
比郎
部

三公郎
比郎
都郎
二千石郎

三公郎
比郎
都郎
官部

都郎
二千石郎
比郎
三公郎

刑部
中大夫
刑部
憲郎
比郎
都郎
郎門

刑部
郎
都郎
比郎
司郎
司郎
司大夫
司大夫
司大夫
司大夫

刑部
郎

刑部
郎
都郎
比郎
司郎
中門

刑部
郎

刑部
郎

浙江
江廣
湖廣
陝西
廣東
山東
福建
河南
山西
四川
廣西
雲南
貴州
十南
清吏
司郎

刑部 十八司 主事

秋官 司寇 旅下 土屬 司士

尚書 主事 令史 說具 吏部 篇部

都事 主事 二千石 比部 主事

刑部 主事

刑部 主事 都事 比部 主事 司門 主事

刑部 主事 都事 比部 主事 司門 主事

刑部 主事

刑部 主事

浙江 湖廣 陝西 廣東 福建 河南 山西 四川 廣西 貴州 雲南 十吏 清吏 司主

式帖筆務 司事主堂

	令史		
	令史 尙書		
	令史		
	令史		
	令諸史 尙書	史都尙書	
	令史曹 正令	史都尙書	
	史書令 尙書	史都尙書	
	史書令 尙書	史都尙書	
	史書令 主令		
	令史 尙書	都刑尙書	
	史書令 尙書	都刑尙書	主右尙書
	史書令 尙書	都刑尙書	主右尙書
	官守史書令 尙書	都右尙書 監六門	主右尙書
	史院 希巴勒		
	史院 女直	都右司	
	史院 筆且	都右司	
		都右司	
		務廳司	

珍做宋版印

官 各 館 例 律 使 大 庫 司 庫 罰 贓

下司中司
士刺士刑

郎定魏
科

郎刪
定

下司上司
士刺士刺

使刪
定

定所勅定所勅舉所勅
官刪令官詳令 提令

領同領所司
提 提 籍
檢刑照刑
校部磨部

珍 做 宋 版 印

刑部 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人

國朝官制 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人

刑部尚書 滿洲漢人各一人 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人

掌折獄 審刑 簡核法律 受天下奏讞 咸閱實而上其辭 以肅邦憲 所屬有

直隸 奉天 江蘇 安徽 江西 福建 浙江 湖廣 河南 山東 山西 陝西 四川 廣東

廣西 雲南 貴州 督捕十有八司 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人

國初刑部設滿洲承政二員 蒙古承政一員 漢人承政二員 參政八員 啓心

郎一員 崇德三年改設承政一員 左參政二員 右參政三員 順治初定設

滿洲漢人尚書各一員 七年增置滿洲尚書一員 十年仍省 雍正十二年

以來親王郡王及大學士奉 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人

命管理部務皆由人 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人

特簡無常員 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人

左右侍郎 滿洲漢人各一人 正堂 員八人 正堂 員八人 正堂 員八人 正堂 員八人 正堂 員八人 正堂 員八人 正堂 員八人

掌迪播祥刑以貳尙書順治元年定額

直隸清吏司郎中滿洲漢人各一人員外郎滿洲一人蒙古一人漢人二人主事滿洲漢人各一人

掌順天直隸及八旗游牧察哈爾左翼

正黃東半旗鑲黃正白鑲白正藍四旗

所屬刑名初

為右現審司乾隆二年改置直隸司設官如今額

謹案初制刑部設江南等十四司康熙三十八年增置督捕前後司為

十六司雍正元年增置左右二現審司凡囚繫之待讞者則主其鞠訊

之事十一年析江南司為江蘇安徽二司併督捕前後司為一乾隆二

年改右現審司為直隸司七年復改左現審司為奉天司始定為十八

司司屬初置理事官六員副理事官八員順治元年改定滿洲郎中六

人員外郎八人主事十有四人漢軍郎中四人員外郎十有二人漢人

郎中員外郎主事每司一人五年增置滿洲郎中八人員外郎十人十

五年省漢人員外郎主事各四人十八年增置蒙古員外郎八人康熙

元年仍省五十七年增置蒙古郎中員外郎主事各一人雍正三年復置漢人員外郎主事各四人五年罷漢軍員額增漢人郎中三人員外郎一人其續置各司員額亦俱隨時增設凡額官闕則總其數三分計之以其二牒吏部除授而留其一由堂官遴選奏請擢補焉

奉天清吏司郎中蒙古一人漢人一人員外郎滿洲漢人各一人主事滿洲漢人各一人

掌

盛京黑龍江吉林將軍及奉天府所屬刑名兼宗人府理藩院文移關白之事初爲左現審司乾隆七年改置奉天司設官如今額

江蘇清吏司郎中滿洲漢人各一人員外郎滿洲二人漢人一人主事滿洲漢人各一人

掌江蘇所屬刑名凡奉

德音肆眚則審定其條格而頒之于四方初爲江南司雍正十二年析置江蘇

及安徽二司設官如今額

安徽清吏司郎中滿洲漢人各一人員外郎滿洲漢人各一人主事滿洲漢人各一人

掌安徽所屬刑名兼鑲紅旗文移關白之事雍正十二年以江南司析置設官如今額

江西清吏司郎中滿洲漢人各一人員外郎滿洲漢人各一人主事滿洲漢人各一人

掌江西所屬刑名兼正黃旗中城御史文移關白之事

福建清吏司郎中滿洲漢人各一人員外郎滿洲漢人各一人主事滿洲漢人各一人

掌福建所屬刑名兼戶部戶科倉場衙門左右兩翼鑲藍旗文移關白之事

浙江清吏司郎中滿洲漢人各一人員外郎滿洲一人漢人二人主事滿洲漢

人各一人

掌浙江所屬刑名及都察院刑科南城御史文移關白之事兼司本部條

奏彙題及各司爰書駁正者會其成比年一奏

湖廣清吏司郎中滿洲一人漢人二人員外郎滿洲二人漢人一人主事滿洲

漢人各一人

掌湖北湖南所屬刑名

河南清吏司郎中滿洲漢人各一人員外郎滿洲二人漢人一人主事滿洲漢

人各一人

掌河南所屬刑名兼禮部禮科太常寺光祿寺鴻臚寺國子監欽天監太

監人醫院東城御史正紅旗文移關白之事凡夏令熱審則布告各司頒行天

山西下欽卹如制

山東清吏司郎中滿洲漢人各一人員外郎滿洲二人漢人一人主事滿洲漢

人各一人東河鹽課各兼吳淞吳淞大勘寺文移關白之事凡屯軍營計數盜

掌山東所屬刑名兼兵部兵科太僕寺文移關白之事凡步軍營捕獲盜窩歲登其數請敘

山西清吏司郎中滿洲漢人各一人員外郎滿洲漢人各一人主事蒙古一人

漢人一人

掌山西及八旗游牧察哈爾右翼

正黃西半旗正紅鑲紅鑲藍三旗

定邊左副將軍綏遠

大各城將軍歸化城副都統科布多大臣庫倫大臣所屬刑名兼軍機處內閣

翰林院詹事府

起居注館內務府上駟院武備院鑲白旗北城御史文移關白之事

陝西清吏司郎中滿洲一人漢人二人員外郎滿洲二人漢人一人主事滿洲

漢人各一人

掌陝西甘肅及伊犁烏魯木齊塔爾巴哈台葉爾羌喀什噶爾烏什阿克

蘇庫車土爾番哈爾沙爾和闐哈密所屬刑名兼大理寺西城御史文移

關白之事並稽覈囚糧出納俾無侵冒

四川清吏司郎中滿洲漢人各一人員外郎滿洲漢人各一人主事滿洲漢人各一人

掌四川所屬刑名兼工部工科文移關白之事秋審則會九卿詹事科道于朝房以定爰書

廣東清吏司郎中滿洲漢人各一人員外郎滿洲二人漢人一人主事滿洲漢人各一人

掌廣東所屬刑名兼鑾儀衛正白旗文移關白之事

廣西清吏司郎中滿洲漢人各一人員外郎滿洲漢人各一人主事滿洲漢人各一人

掌廣西所屬刑名兼通政使司文移關白之事及以時散給囚衣

朝審則會九卿詹事科道于朝房以定爰書

雲南清吏司郎中滿洲漢人各一人員外郎滿洲漢人各一人主事滿洲漢人各一人

掌雲南所屬刑名兼鑲黃旗文移關白之事

貴州清吏司郎中滿洲漢人各一人員外郎滿洲漢人各一人主事滿洲漢人各一人

掌貴州所屬刑名兼吏部吏科正藍旗文移關白之事

督捕清吏司郎中滿洲漢人各一人員外郎滿洲一人主事滿洲漢人各一人
掌八旗及各省駐防逃人之事初隸兵部督捕衙門康熙三十八年始以
督捕前後司及督捕廳改隸刑部雍正十二年罷督捕前司及督捕廳併
入各其事于後司仍省後字但曰督捕司

堂主事滿洲五人漢軍一人

掌文案者滿洲二人掌章奏者滿洲三人漢軍一人俱順治元年定額

司務廳司務滿洲漢人各一人

各一順治元年定額掌巡察出入約束胥隸凡直省解囚投文登其數給以批

四川迴訟者收其狀呈堂分司聽之

筆帖式滿洲百有五人蒙古四人漢軍十有五人

滿洲筆帖式初置九十六人後增置九人蒙古筆帖式乾隆二年置漢軍

筆帖式初置十有九人後省四人俱分隸各司視事之繁簡以為額

職事見吏

部

提牢主事滿洲漢人各一人北所司獄滿洲二人漢軍漢人各一人南所司獄

滿洲二人漢軍漢人各一人

從九品

主事掌稽覈罪囚于額外及試俸主事內掄選引

見補充歲周更代咨吏部議敘司獄分掌南北監禁督禁卒更夫晝夜巡警凌

虐需索者問如法順治元年置漢軍漢人司獄四人康熙五十一年增置

滿洲司獄四人三年而代咨吏部敘陞如例又置官醫二人分隸南北所

以療囚之疾病

贓罰庫司滿洲一人庫使滿洲二人

掌收見審贓罰銀錢會其數以送戶部順治元年置額

律例館總裁無定員提調官一人纂修官四人收掌官四人繙譯官四人謄錄官六人

掌修明法令刊定條式隨時審訂以詔有司設館西長安門外總裁以本部尙書侍郎兼之提調纂修官以本部司員充收掌繙譯謄錄官以本部筆帖式充凡歲五周則彙輯而排次之謂之小修比十年迺重編新格增損刪定勒爲憲典頒行天下謂之大修皆月給餐錢期年而畢初順治二年特置律例館

勅修律官撰定律書四年書成名曰大清律集解附例其後次第刊修皆特簡王大臣爲總裁以各部院通習法律者爲提調纂修等官凡額設十有八人乾隆七年始以其館併隸刑部復改定員額如今制焉

謹案定制錄直省獄囚曰秋審錄刑部獄囚曰

朝審歲以八月刑部會九卿詹事科道于

天安門外金水橋西公閱其爰書而覈定之初以四川廣西兩司分掌案

牘雍正十二年始別選司屬滿洲漢人各二員主其事曰總辦秋審處尋佐以協辦者四員歲滿則交替乾隆十九年以後凡核直省審冊辦實緩矜疑之當否以白于長官皆以總辦司員任之先後增置十六人學習者無定員其職雖出堂官掄派而專司秋讞所繫綦重謹識于此

歷代建置

三代

〔尚書舜典〕帝曰皋陶蠻夷猾夏寇賊姦宄汝作士五刑有服五服三就五流有宅五宅三居惟明克允

謹案虞廷以皋陶爲士孔穎達謂卽周禮之士師鄭康成云士察也主察獄訟之事三代刑官其源蓋本于此然考漢書胡建傳引黃帝李法蘇林曰獄官名也顏師古曰李者法官之號總主征伐刑獄之事是其官已起于黃帝時故孔安國傳以士爲理官鄭康成禮記月令註則云有虞氏曰士夏曰大理周曰大司寇雖稱名不同其實一也自周官旣

廢秦漢乃專置廷尉大理以主刑獄至隋唐復設刑部以當周司寇之職而大理仍並置不廢其職名遂分爲二矣今以周秋官之屬及歷代尚書諸曹繫諸刑部表內而理官沿革則別載入大理寺篇名實相承庶有條而不紊焉

〔孔穎達禮記疏〕鄭注大傳夏書所謂六卿有作士

謹案尚書言汝作士者乃指皋陶爲士師之官與上文伯禹作司空汝作司徒同義並非以作士兩字爲官名王莽妄引經義改大理曰作士水衡都尉曰朕虞殆于不識句讀康成乃以亡新官號傳會夏官此漢人說經之陋不足據也

〔尚書洪範〕三八政六曰司寇

〔禮記曲禮〕天子之五官曰司寇〔鄭康成注〕此殷時制也

謹案箕子陳禹九疇而稱司寇之官此可考見夏殷之制實有此職曲禮鄭注所云並非鑿空矣

〔尙書周官〕司寇掌邦禁詰姦慝刑暴亂

〔春秋左氏傳〕昔周克商使諸侯撫封蘇忿生以温爲司寇

〔春秋左氏傳〕康叔爲司寇孔安國書傳司寇第五衛侯爲之

〔尙書序〕呂命穆王訓夏贖刑作呂刑孔安國傳呂侯見命爲天子司寇後爲甫侯故稱甫刑

謹案司寇本李官管子五行篇昔者黃帝得六相而天地治又云春者

土師也夏者司徒也秋者司馬也冬者李也蓋李卽周之司寇春秋襄

三年左氏傳魏絳曰請歸死于司寇荀子曰防淫除邪戮之以五刑使

暴悍以變姦邪不作司寇之事也此雖春秋戰國猶存周禮舊名顧其

時稱名亦多錯雜呂氏春秋管子復于桓公曰平原廣城車不結軌士

不旋踵鼓之三軍之士視死如歸臣不若王子城父請置以爲大司馬

決獄折中不殺不辜不誣無罪臣不若攷章請置以爲大李注大李治

獄官以大李對大司馬則大李之爲大司寇明矣淮南子天文訓何謂

五官東方爲由南方爲司馬西方爲理北方爲司空中央爲都南方旣

爲司馬北方旣爲司空則西方之理卽爲司寇明矣其以理爲司寇與呂覽同皆舉三代以前之官名周官也至商子慎法篇天子置三法官殿中置一法官御史置一法官及吏丞相置一法官所謂殿中置一法官不知何官其云殿中則又與司寇職掌不合至司寇于周爲秋官而管子五行篇以司馬爲秋官李爲冬官均異周制百家殊說不合經典姑識于此以備參考焉

〔周禮秋官〕刑官之屬大司寇卿一人小司寇中大夫二人士師下大夫四人鄉士上士八人中士十有六人旅下士三十有二人府六人史十有二人胥十有二人徒百有二十人遂士中士十有二人府六人史十有二人胥十有二人徒百有二十人縣士中士三十有二人府八人史十有六人胥十有六人徒百有六十人方士中士十有六人府八人史十有六人胥十有六人徒百有六十人訝士中士八人府四人史八人胥八人徒八人十人司刑中士二人府一人史二人胥二人徒二十人司刺下士二人府

一人史二人徒四人司厲下士二人史一人徒十有二人司圜中士六人下士十有二人府三人史六人胥十有六人徒百有六十人掌囚下士十有二人府六人史十有二人徒百有二十人掌戮下士二人史一人徒十有二人司隸中士二人下士十有二人府五人史十人胥二十人徒二百人大司寇之職掌建邦之三典以佐王刑邦國詰四方以五刑糾萬民凡諸侯之獄訟以邦典定之凡卿大夫之獄訟以邦法斷之凡庶民之獄訟以邦成弊之小司寇之職以五刑聽萬民之獄訟附于刑用情訊之至于旬乃弊之以八辟麗邦法附刑罰以三刺斷庶民獄訟之中士師之職掌國之五禁之法以左右刑罰察獄訟之辭以詔司寇斷獄弊訟致邦令掌士之八成鄉士掌國中各掌其鄉之民數而糾戒之聽其獄訟察其辭辨其獄訟異其死刑之罪而要之旬而職聽于朝司寇聽之斷其獄弊其訟于朝羣士司刑皆在各麗其法以議獄訟獄訟成士師受中協日刑殺肆之三日若欲免之則王會其期遂士掌四郊聽其獄訟二旬而職聽于朝

縣士掌野聽其獄訟三旬而職聽于朝方士掌都家聽其獄訟之辭三月而上獄訟于國訝士掌四方之獄訟論罪刑于邦國四方有亂獄則往而成之司刑掌五刑之法以麗萬民之罪司刺掌三刺三宥三赦之法以贊司寇聽獄訟司厲掌盜賊之任器貨賄辨其物皆有數量賈而揭之入于司兵其奴男子入于罪隸女子入于春槩司圜掌收教罷民掌囚掌守盜賊掌戮掌斬殺賊讎而搏之凡殺其親者焚之殺王之親者辜之凡殺人者踣諸市肆之三日刑盜于市凡罪之麗于法者亦如之司隸掌五隸之法辨其物而掌其政令

謹案周禮諸官列職紛繁以今六部之制相準不能一一脗合惟秋官專掌獄訟自士師以迄司隸皆理刑之官故與今刑部職掌相符者爲最多如士師爲士官之長而其下有鄉士以主六鄉之獄有遂士以主六遂之獄有縣士以掌外野之獄有方士以掌都家之獄有訝士以掌四方諸侯之獄皆隨地設官以治之今之按省分司以治庶獄者正同

此意至司刑司刺掌五刑三刺之法以詔司寇則如今之律例館秋審處司圜掌囚掌戮則如今之提牢廳司獄司而司隸掌五隸司厲掌罪隸卽唐宋都官郎中員外郎所自出雖其職已散入各司然亦刑部所
有事也惟唐宋司門郎中員外專掌門關往來之籍賦唐六典以地官
司門之職當之自明以來其職事併入戶兵二部久不隸于刑部今仍
載司門一曹以存沿革而不復遠溯周制用符其實云

〔唐六典〕刑部尙書周之秋官卿也侍郎周之秋官小司寇中大夫也周禮大司寇屬官有士師下大夫蓋郎中之任也有司厲下士蓋都官員外郎之任也

漢

〔杜佑通典〕漢成帝時尙書初置二千石曹主郡國二千石又置三公曹主斷獄後漢光武改三公曹主歲盡考課諸州郡政二千石曹掌中都官水火盜賊詞訟罪法亦謂之賊曹重于諸曹

華譚集尙書二曹論曰劉道貞謂漢氏重賊曹爲是吳晉

重吏部為非薛君曰君何是古而非今劉難曰賊曹職典刑獄刑獄難精是以欲重之答曰今之賊曹不能聽聲觀色以別真偽縣不能斷讞之尚

書也夫在獄者率小人在朝者率君子小人易檢君子難精俱不得已吏部宜重賊曹宜輕也

冊府元龜漢有大獄則令雜治如王嘉致都船詔獄使將軍以下與二千

石雜治之類也其次即令就問如廷尉請捕衡山王遣中尉大行即問之

類也其當罪又令雜議如淮南王所犯不軌丞相御史宗正廷尉雜奏又

詔列侯吏二千石議是也

〔漢書百官公卿表〕宗正有都司空令丞如淳曰漢儀注主罪人少府有若盧令丞如淳曰漢

儀注有若盧獄令中尉有都船令丞如淳曰漢儀注有都船獄令

〔後漢書和帝本紀〕永元九年復置若盧獄官

謹案漢書宣帝紀遣使者分條中都官獄師古曰中都官凡京師諸官

府也後漢志稱孝武帝以下置中都官獄二十六所各令長名今以紀

傳核之其可考見者如宗正所屬有都司空獄寶嬰傳劾繫都司空伍

詔獄內官獄東方朔傳少府所屬有導官獄張湯傳其弟繫導官師古

獄繫內官

若盧獄李賢後漢書注若盧獄主鞠將相大臣考工獄劉輔傳繫共工也居室獄灌夫傳繫居室

後改保宮李陵掖庭獄師古曰漢舊儀掖庭暴室獄師古曰暴室職主

治罪人故往往云中尉所屬有都船獄說見鴻臚所屬有別火獄如淳

儀注有別郡邸獄師古曰漢舊儀郡邸獄治天當時皆謂之詔獄各置

令丞等官其罪人就繫者則謂之中都官囚徒劉屈氂傳發長而廷尉

專掌刑法獨不聞有獄官考王嘉傳嘉得罪有詔假謁者節召丞相詣

廷尉詔獄嘉隨使者詣廷尉廷尉收嘉丞相新甫侯印綬縛嘉載置都

船詔獄是嘉當下廷尉詔獄而廷尉乃縛送都船足知當日中都官諸

獄皆以繫廷尉罪人故本署轉無專獄薛宣傳載宣為廷尉書佐都船

獄吏亦可見諸獄皆屬廷尉故吏職得互相遷補也後漢惟廷尉及雒

陽有獄而和帝復置若盧獄官不言所屬考安帝紀永初二年皇太后

幸雒陽寺及若盧獄錄囚徒賜河南尹廷尉卿及官屬有差雒陽屬河

南則若盧亦當屬廷尉矣今廷尉沿革雖已別載大理寺表而獄制專

隸刑部故取都司空若盧都船三令丞繫之于此以著提牢司獄設官之權輿又二千石曹初主郡國二千石三公曹後改主考課今據其職掌亦互見吏部表內云

三國

〔鄭樵通志〕魏青龍二年置都官郎掌刑法獄訟之事

〔冊府元龜〕魏置定科郎主定法令都官郎主軍事刑獄

定科又作定課

〔太平御覽〕何貞奏許都賦明帝奇之擢為都官郎中

〔晉書職官志〕魏尚書有二千石郎

〔孫逢吉職官分紀〕魏尚書郎有比部

謹案前代法令之書在漢以後有二曰律令諸家漢書註所引有漢律

又有令甲令乙令丙杜周傳云前主所是著為律後主所是疏為令是

也在唐有四曰律令格式新唐書刑法志謂令者尊卑貴賤之等數國

家之制度格者百官有司所常行之事式者具所常守之法凡邦國之

政必從事于此三者其有所違及人之爲惡而入于罪戾者一斷以律是也在宋亦有四曰勅令格式乃沿唐之舊而自律以外又增勅爲四

也參稽厥制律爲律之政文而勅令格式則如今各部院衙門之則例

歷代統其事於刑曹凡罪人之麗辟及職官之案劾者皆據此平決蓋

今刑部之議罪與吏兵二部之議處其職掌本同在法官晉書刑法志

載裴頠奏有尙書免皆在法外刑書之文有限舛違之故無方故有臨

時議處今案牘承用之議處二字其源實始于此之文誠不能皆得循常云云此罰至罷免

亦由刑官議處之明證隋唐始于吏部置考功一曹而所司惟考績黜

陟之令其他論劾仍不與焉唐六典稱九品已上犯除免官者大理詳

而質之以上刑部其事尙在法官至明以內外彈章付之考功定擬武

官功過亦歸武選于是官司過失至革職以下者其核議之事乃悉屬

吏兵二部而不在法司矣今以定科刪定兩郎專掌修定法令隋志載陳沈洙

以議獄不同請牒送刪定曹詳改前制即如今之纂入則例實兼有今刑部律例館吏兵二部則例

館之任故既載入吏部篇而仍互見于此至比部郎起自曹魏而唐以後則專司勾覆倉庫出納百官俸料乃如今戶科給事中及江南道御史之磨勘註銷並不預刑名之事其職久與刑部無涉顧炎武日知錄云周禮小司徒三年大比則受邦國之比要註大比謂使天下更簡閱民數及其財物也唐時刑部有刑比都官司門四曹唐書職官志比部掌周知內外之經費而總勾之楊炎傳天下財賦皆納左藏庫尙書比部覆其出入宋史職官志比部掌勾覆中外帳籍考其陷失而理其侵負山堂考索會計逋欠每三月一比爲之比部故昔人有刑罰與賦斂相爲表裏之說今四曹改爲十三司而財計之不關刑部久矣乃猶稱郎官爲比部何耶炎武之說誠爲詳核然考宋隋二志皆稱比部主法制則比字當亦取律例相比況之義如漢志所云決事比者蓋自唐以後始失其職耳今以歷代皆屬刑部故仍繫之于表而具論其職掌之不同者如右

晉

〔通典〕晉復置三公尚書掌刑獄

〔唐六典〕晉太康中省三公尚書以吏部尚書兼掌刑獄

〔晉書職官志〕晉受命置三公比部都官二千石曹郎

〔宋書百官志〕晉西朝則有三公比部都官曹郎

〔謝維新合璧事類〕魏有定科郎晉賈充定律令以裴楷爲之

謹案晉書職官志稱武帝罷定課郎

即定科郎

而謝維新乃謂晉時裴楷爲

之頗不相合今考楷本傳其爲定科郎尚在魏世至晉初定律令時則

楷已爲散騎侍郎維新誤以爲晉事蓋失于詳檢也

〔唐六典〕晉令有獄左右丞各一人

宋齊梁陳

〔宋書百官志〕宋高祖初增都官尚書太祖元嘉十八年增刪定曹郎蓋

魏世之定科郎也吏部尚書領刪定三公比部曹都官尚書領都官曹比

部主法制都官主軍事刑獄

〔通典〕宋三公比部皆主法制

〔南齊書百官志〕吏部尚書領刪定三公比部曹都官尚書領都官曹

〔隋書百官志〕梁尚書省置都官尚書刪定三公比部都官等郎陳承梁

皆循其制官

〔唐六典〕宋齊並以三公郎曹掌刑獄置郎中一人梁陳因爲侍郎梁陳

又置獄丞二人第七品

謹案三公曹後漢雖改主考課而自晉以迄南北朝則仍爲主刑獄之

官其屬之吏部者蓋以太康省三公尚書以吏部尚書兼掌刑法故三

公曹郎亦歸其統轄也至二千石郎晉南渡後已罷不置史亦不詳其

職掌而當時去漢未遠建置當必相同今並繫之于表云

北魏

〔通典〕後魏亦有都官尚書

〔唐六典〕獄丞後魏亦二人

〔魏書官氏志〕獄椽從第七品下

謹案後漢惟和帝置有若盧獄官而廷尉雒陽縣獄官皆不見于史唐

六典始載晉置獄丞梁陳因之魏書亦載魏置獄椽為從七品其後歷

代多設是官屬于廷尉蓋當時六曹未有定制廷尉尚當秋官之職故

也今大理寺已不置獄前代所為廷尉獄官其職久已歸入刑部故析

繫于此以備提牢司獄之沿革焉

北齊

〔隋書百官志〕後齊置都官尚書統都官

掌畿內非違得失事

二千石

掌畿外得失等事

比

部掌詔書律令勾檢等事

曹都官二千石比部各量事置掌故主事員

〔唐六典〕三公郎曹掌刑獄北齊置郎中二人

〔通志〕北齊有三公曹掌諸曹囚帳斷罪赦日建金雞等事屬殿中尚書

〔冊府元龜〕北齊獄丞椽各二人

後周

〔通典〕後周官品正七命大司寇正六命小司寇上大夫正五命秋官刑部中大夫正四命秋官小刑部司隸等下大夫正三命秋官小刑部司刺鄉法遂法稍法縣法畿法小司隸等上士正二命秋官司刺鄉法遂法稍法縣法畿法掌囚司厲掌罪隸掌夷隸掌蠻隸掌戎隸掌狄隸掌徒等中士正一命秋官小刑部掌囚司厲掌夷隸掌蠻隸掌戎隸掌狄隸掌徒等下士

〔冊府元龜〕後周刑部中大夫掌五刑之法附萬民之罪

〔馬端臨文獻通考〕後周有司隸下大夫掌五隸及徒者捕盜賊囚執之事

謹案周官司隸掌五隸之法本主罪人自漢武帝襲其名置司隸校尉使持節從中都官徒千二百人捕巫蠱督大姦猾後又令察三輔三河弘農乃全與周制不合今按其職掌已別繫之步軍統領衙門表內惟

後周所置依仿周官復掌罪徒與漢魏以下司隸之職又殊故仍載入刑部沿革焉

隋

〔隋書百官志〕高祖受命置都官尙書統都官侍郎二人刑部比部侍郎各一人司門侍郎一人尋改都官尙書爲刑部尙書煬帝卽位六曹各置侍郎一人以貳尙書之職諸曹侍郎並改爲郎又改刑部爲憲部郎以異侍郎之名

〔通典〕隋初有都官尙書開皇三年改都官爲刑部亦因後周之名

〔唐六典〕隋置獄掾八人

謹案今刑部之名肇于後周定于隋世歷代相沿未之有改溯其本始卽南北朝之都官尙書也但考列史所載都官一曹自魏晉以後皆掌京師及畿外得失非違等事頗似漢之司隸而並無斷獄議罪之責故六典以爲非唐時都官之任推原其故蓋由魏晉諸朝尙書各曹尙不

依六官分職故刑名政令自大理以外八座則以三公吏部尚書主之
郎官則以三公郎中主之而或領于吏部或領于殿中隸屬參差本無
定制隋文帝改都官尚書為刑部而省三公郎不設于是三公舊職遂
悉歸于刑部曹又以都官郎改掌簿錄配沒官私奴婢并良賤訴競俘
囚之事弼教之任自是始專之刑部矣今以刑部出自都官建置相因
源流有在故仍繫之于表而附著其異同于此

唐

〔新唐書百官志〕刑部尚書一人正三品侍郎一人正四品下掌律令刑
法徒隸按覆讞禁之政其屬有四一曰刑部二曰都官三曰比部四曰司
門○刑部郎中員外郎掌律法按覆大理及天下奏讞為尚書侍郎之貳
前凡刑法之書有四一曰律二曰令三曰格四曰式凡鞫大獄以尚書與御
史中丞大理卿為三司使凡國有大赦集囚徒于闕下以聽○都官郎中
員外郎掌俘隸簿錄給衣糧醫藥而理其訴免○比部郎中員外郎掌勾

會內外賦斂經費俸祿公廨勳賜贖徒役課程逋欠之物及軍資械器和糴屯收所入京師倉庫三月一比諸司諸使京師四時勾會于尙書省以後季勾前季諸州則歲終總勾焉○司門郎中員外郎掌門關出入之籍及闌遺之物

謹案今制以刑部都察院大理寺爲三法司其名始自明代而實昉于唐之三司使其時有大獄則以刑部御史臺大理寺爲三司使以鞠之謂之大三司使見合璧事類若三司所按非其長官則侍御史與刑部郎中

員外郎大理司直評事往訊之謂之小三司使見唐職林今凡刑部重辟囚

先以御史大理左右寺官會刑曹察其辭辨其死刑之罪而要之曰會小三法司及致辭于長官都御史大理卿迺詣刑部與尙書侍郎會聽之各麗其法以議獄曰會大三法司蓋卽其遺意也唐自中葉以後史傳所紀獄事多云三司按鞠皆指臺省寺三官而言唐六典又云三司

謂御史大夫中書門下與史不符此殆開元以前之初制新唐書刑法

志肅宗時陳希烈等獄以三司使劾治而通鑑所載乃御史大夫崔器禮部尚書李峴兵部侍郎呂諲爲之亦不及刑部大理則以峴等本出西臺遷官以後仍令領三司之事耳又案魏文帝黃初六年收鮑勳付廷尉廷尉法議正刑五歲三官駁依律罰金胡三省通鑑注三官廷尉正監平也冊府元龜梁置建康縣獄三官以尚書郎爲之冠服同廷尉三官元會廷尉三官與建康三官皆法冠卓衣朝服以監東西中華門據此則執法之官以三爲數其來已久又不僅始自唐時矣

〔舊唐書職官志〕龍朔二年改刑部爲司刑都官爲司僕比部爲司計尚書爲太常伯侍郎爲少常伯郎中爲大夫咸亨元年依舊光宅元年改刑部爲秋官垂拱三年加秋官侍郎一員神龍元年詔官名並依永淳以前故事天寶十一載改刑部爲憲部比部爲司計至德二載依舊

謹案天寶中改刑部爲憲部凡行內諸司之稱部者並改之以避六部之名舊唐志所載甚詳新唐志乃謂改刑部爲司憲是誤以龍朔所改

御史大夫之名屬之刑部非也

〔唐六典〕刑部主事四人令史十九人書令史三十八人亭長六人掌固十人都官主事二人令史九人書令史十二人掌固四人比部主事四人令史十四人書令史二十七人計史一人掌固四人司門主事二人令史六人書令史十三人掌固四人○獄丞四人從九品下以流外入仕者爲之

〔舊唐書嚴郢列傳〕郢兼御史中丞御史臺奏天下斷獄自徙以下結竟者並徙置邊州郢駁奏請下刪定使詳覆然後施行從之

謹案刪定使之名職官志不載僅見于此蓋因纂集律令隨時所置之官猶今之律例館總裁也

五季

〔五代會要〕後唐長興二年八月二十九日勅刑部大理寺宜各置法直官兩人仍召曉法令者充晉天福三年三月詳定院奏前守晉州洪洞縣

主簿盧粲進策伏以刑獄至重朝廷所難尚書省分職六司天下謂之會府諸道決獄若關人命卽刑部不合不知欲請諸州府凡斷大辟罪人訖逐季將有無申報刑部仍具錄案款事節并本判官馬步都虞候司法參軍法直官馬步使判官名銜申聞或有案內情由不圓刑部請行勘覆從之

謹案盧粲進策請諸州府斷大辟罪人申報刑部仍具錄案款事節然則前此諸道州府大辟案款未嘗申報刑部矣唐刑部郎中員外郎掌集天下奏讞而五代時州府大辟案款至不申刑部于此見五代之廢弛也

〔冊府元龜〕後唐同光二年刑部尚書盧質長興二年刑部郎中周知微四年刑部侍郎任贊晉天福元年刑部郎中鄭觀六年刑部員外郎李象周廣順元年刑部員外郎曹匪躬

謹案五季官制史志不詳今據冊府元龜所載略採一二以見刑曹建

置亦多仍舊唐也冊府元龜又載後唐同光元年御史臺奏當司刑部
大理寺本朝法書自朱温刪改今見在三司收貯刑書並是僞廷之制
云云周顯德五年中書門下奏三司臨時條法望令刪集送中書門下
詳議聞奏云云是五季亦以刑部御史臺大理寺爲三司並同唐制矣

宋

〔宋史職官志〕刑部掌刑法獄訟奏讞赦宥敘復之事凡斷獄本于律律
所不該以勅令格式定之禁於未然之謂令施於已然之謂勅設于此而
使彼至之之謂格設于此而使彼效之之謂式皆閱其案狀傳例擬進其
屬三曰都官曰比部曰司門設官十有一尙書一人侍郎二人郎中員外
郎刑部各二人都官比部司門各一人國初以刑部覆大辟案淳化二年
增置審刑院知院事一人以郎官以上至兩省充詳議官以京朝官充掌
詳讞大理所斷案牘而奏之大中祥符二年置糾察刑獄司糾察官二人
以兩制以上充凡在京刑禁徒以上卽時以報若理有未盡或置淹恤迫

覆其案詳正而駁奏之凡大辟皆錄問元豐三年八月詔省審刑院歸刑部以知院官判刑部掌詳議詳覆司事刑部主判官爲同判刑部掌詳斷司事審刑議官爲刑部詳議官官制行悉罷歸刑部元祐元年省比部郎官一員以都官兼司門五月三省言舊制糾察在京刑獄以察違慢自罷歸刑部無復申明糾舉之制請以御史臺刑察兼領其御史臺刑獄令尙書省右司糾察從之紹聖元年詔都官司門互置郎官一員崇寧二年十二月詔刑部尙書通治左右曹侍郎一治左曹一治右曹如獨員卽通治○尙書掌天下刑獄之政令凡麗于法者審其輕重平其枉直而侍郎爲之貳應定奪審覆除雪敘復移放則尙書專領之制勘體量奏讞糾察錄問則長貳治之而郎中員外郎分掌其事有司更定條法則覆議其當否凡聽訟獄或輕重失中有能駁正詔其賞罰若頒赦宥則糾官吏之稽違者分案十二置吏五十有二紹興後分案十三裁減吏額置三十五人○侍郎南渡長貳互置隆興常置一員淳熙十六年依崇寧專法奏獄及法

令事請大理寺官赴部共議之用侍郎吳博古之說也○郎中員外郎分
左右廳掌詳覆敘雪之事建炎三年刑部郎官以二員爲額關掌職事初
無分異紹興二十六年詔依元豐舊法分廳治事先是右司汪應辰言刑
部郎官分爲左右左以詳覆右以敘雪同僚異事祖宗有深意倘初無分
異則有不當于理者孰爲追改乞遵用舊制要使官各有守人各有見參
而用之以稱欽恤之意從之仍令今從倣此○都官郎中員外郎掌徒流
配隸凡天下役人與在京百司吏職皆有籍以攷其役放及增損廢置之
數分案四置吏十有八建炎三年詔比部兼司門隆興元年詔都官比部
共置一員自此都官兼比部司門之事分案五裁減吏額置十二人
淳熙
十三
年減
三人○比部郎中員外郎掌勾覆中外帳籍凡場務倉庫出納在官之物
皆月計季考歲會從所隸監司檢察以上比部至則覆審其多寡登耗之
數有陷失則理納鈎考百司經費有隱昧則會問同否而理其侵負舊帳
案隸三司熙寧五年置提舉帳司選人吏二百人驅磨天下帳籍并選官

吏審覆七年二月詔帳司每歲具天下財用日出入數以聞元豐初年詔諸路財賦出入自今三年一供著爲令官制行釐其事歸比部元祐元年七月用司馬光奏悉總于戶部三年釐正倉部勾覆理欠憑由案及印發鈔引事歸比部分案五置吏百有一建炎以後或都官兼比部司門之事○司門郎中員外郎掌門關津梁道路之禁令及其廢置移復之事應官吏軍民商販譏察其冒僞違縱者凡諸門啓閉之節及關梁餘禁以時舉行分案二置吏五

謹案宋制獄囚皆繫開封府司錄司及左右軍巡三院蓋如今之順天府及五城司坊官法司僅平其讞牘未嘗置獄至熙寧九年神宗始命置大理獄而史志並無管獄之官疑卽以司直主簿兼其任也至比部自唐宋而後專掌勾稽中外帳籍如今注銷錢糧之職並不關涉刑名說已具前然考李心傳建炎以來朝野雜記謂宮禁歲取金銀錢帛率以百萬計雖有歲終比部驅磨之令然郎官第赴內東門司終日危坐

而數璫自爲會計郎官不得預畢事乃卷牘尾示之俾書名而已據此則比部未嘗能舉其職亦可以見當時冗濫之弊矣

〔章俊卿山堂考索〕勅令所宋差宰臣提舉詳定官以待從之通法令者充刪定官于職事官內差兼

〔王闢之澠水燕談錄〕祥符二年以京獄訟之繁懼有冤滯始置糾察在京刑獄司以省冤濫命知制誥周起侍御史趙湘爲之凡在京師刑獄御史開封府皆得糾之起慮抑屈者不能盡知乞許令糾察陳狀從之但不鞠獄○太宗慎刑罰淳化二年始置審刑院以覆大理奏案以近臣一人知院事設詳議六人擇京朝曉律常任法寺官者爲之每奏一人從知院上殿例得賜緋故士大夫以審刑爲朝官染院

〔江休復鄰幾雜志〕審刑奏案貼黃上更加撮白撮白上復有貼黃

謹案百官志元豐官制行審刑詳議糾察悉罷歸刑部卽所謂刑部郎中員外分左右廳左主詳覆右主敘雪之職也

遼

〔遼史百官志〕伊勒希巴

滿洲語伊勒希副也巴處所也原作夷離畢今改正

院掌刑獄○伊勒希

巴○左伊勒希巴○右伊勒希巴○知左伊勒希巴事○知右勒希巴事

○敝史○選底掌獄

謹案遼世刑獄主之伊勒希巴考遼史刑法志載道宗清寧四年詔左

伊勒希巴曰外路死刑雖已款伏仍令附近官司覆問有冤者即具以

聞可見諸路獄訟皆歸決遣其職實如今之刑部至其時南面官僚內

尚書六部多依唐典建置刑部長貳亦必備官然以史證之惟大理寺

所掌較重故大理卿少如耶律儼劉伸之屬史皆稱其治獄詳允而刑

部除授紀傳多未之及殆以其僅存空名故略而不載歟

金

〔金史百官志〕刑部尚書一員正三品侍郎一員正四品郎中一員從五

品員外郎二員從六品一員掌律令格式審定刑名關津譏察赦詔勘鞫

追徵給沒等事一員掌監戶官戶配隸訴良賤城門啓閉官吏改正功賞

捕亡等事主事二員從七品

令史五十一人內女直二十二人譯史五人通事二人

架閣庫管勾一

員正八品掌刑工兩部架閣

大安二年以主事各兼

同管勾一員從八品○獄丞一

員從九品

屬御史臺

元

〔元史百官志〕刑部尙書三員正三品侍郎二員正四品郎中二員從五

品員外郎二員從六品掌天下刑名法律之政令凡大辟之案覆繫囚之

詳讞拏收產沒之籍捕獲功賞之式冤訟疑罪之辨獄具之制度律令之

擬議悉以任之世祖中統元年以兵刑工爲右三部置尙書二員侍郎二

員郎中五員員外郎五員以郎中員外郎各二員專署刑部至元元年析

置工部而兵刑仍爲一部尙書四員侍郎仍二員郎中四員員外郎置五

員三年復爲右三部七年始別置刑部尙書一員侍郎一員郎中一員員

外郎二員八年改爲兵刑部十三年又爲刑部二十三年六部尙書侍郎

郎中員外郎定以二員為額大德四年尚書增置一員其首領官則主事

三員吏屬則蒙古筆且齊解見吏部篇四人令史三十人回回令史二人克塔

穆爾齊解見吏部篇一人知印二人奏差十人書寫三人典吏七人○司獄司

司獄一員正八品獄丞一員正九品獄典一人初以右三部照磨兼刑部

繫獄之任大德七年始置專官部醫一人掌調視病囚○司籍所提領一

員同提領一員至元二十年改大都等路斷沒提領所為司籍所隸刑部

謹案周禮秋官職金掌受士之金罰貨罰孔穎達疏謂斷獄訟者有疑

即使出贖既言金罰又曰貨罰者出罰之家或時無金即出貨以當直

也蓋職金主受贖緩故屬于司寇當為今刑部贓罰庫所自出特其職

于金玉錫石丹青之政令本無所不掌非特罰贖一事與金顏料庫尤

為相合今已專繫之戶部三庫篇內不復列于此表至自漢以後贖金

所入未見專司唐六典載侍御史之職有六其五曰贓贖李林甫注謂

以年深之次者一人知西推贓贖事則以憲官兼之宋志載大理寺右

治獄分四案其一曰左右寺案掌斷訖公事案後收理追贓等則又爲

吏人所掌初無定式惟元代司籍所雖主斷沒之籍不止贓贖而隸屬

刑部猶得秋官職金遺意視今制之贓罰庫差爲近之云

〔富大用事文類聚〕大元刑部掌律令格式審定刑名奴婢配隸關津譏

察城門啓閉之事置令史分掌各頭無專曹官

明

〔明史職官志〕刑部尙書一人正二品左右侍郎各一人正三品其屬司務廳

司務二人從九品浙江江西湖廣陝西廣東山東福建河南山西四川貴州

雲南十三清吏司各郎中一人正五品員外郎一人從五品主事二人正六品

年十三司俱增設主事一人成化元年增設四川廣西二司主事各一人後革萬曆中又革湖廣陝西山東福建四司主事各一人照磨所

照磨正八品檢校正九品各一人司獄司司獄六人從九品尙書掌天下刑名及

徒隸勾覆關禁之政令侍郎佐之十三司各掌其分省及兼領所分京府

直隸之刑名照磨檢校照刷文卷計錄贓贖司獄率獄吏典囚徒凡軍民

官吏及宗室勳戚隸于法者詰其辭察其情僞傳律例而比議其罪之輕重以請詔獄必據爰書不得逢迎上意凡有殊旨別勅詔例榜例非經請議著爲令甲者不得引比凡死刑卽決及秋後決並三覆奏兩京十三布政司死罪囚歲讞平之五歲請遣官審錄冤滯霜降錄重囚會五府九卿科道官共錄之矜疑者戍邊有詞者調所司再問比律者監候夏月熱審免笞刑減徒流出輕繫遇歲旱特旨錄囚亦如之凡大祭止刑凡贖罪視罪輕重斬絞雜犯徒末減者聽收贖詞訴必自下而上有事重而迫者許擊登聞鼓四方有大獄則受命往鞠之四方決囚遣司官二人往涖凡斷獄歲疏其名數以聞曰歲報月上其拘釋存亡之數日月報獄成移大理寺覆審必期平允凡提牢月更主事一人修葺圜嚴固局鑰省其酷濫給其衣糧囚病許家人入視脫械鎖醫藥之簿錄俘囚配沒官私奴婢咸籍知之官吏有過並紀錄之歲終請湔滌之以名例攝科條以八字括辭議以准皆各其及若卽以五服參情法以墨涅識盜賊籍產不入塋墓籍財不入支

度宗人不卽市宮人不卽獄悼耄疲癯不卽訊洪武元年置刑部六年增
尙書侍郎各一人設總部比部都官部司門部部設郎中員外郎各二人
惟都官各一人總部比部主事各六人都官司門主事各四人八年以部
事浩繁增設四科科設尙書侍郎郎中各一人員外郎二人主事五人十
三年設尙書一人侍郎一人仍分四屬部部設郎中員外郎各一人總部
比部主事各四人都官司門主事各二人尋增侍郎一人治分左
右侍郎二十二
年改總部爲憲部二十三年分四部爲河南北平山東山西陝西浙江江
西湖廣廣東廣西四川福建十二部浙江部兼
領雲南部各設官如戶部之制二
十九年改爲十二清吏司永樂九年以北平爲北京十九年革北京司增
置雲南貴州交趾三司宣德十年革交趾司遂爲十三清吏司
謹案明制凡五歲請勅遣官出京府兩京十三省審錄謂之恤刑歲盡
遣主事往關內江南江北洩殺謂之審決

國朝順治初尙沿其制歲遣三法司堂上官至直隸審決十四年改遣司

屬康熙五年停止而恤刑郎中員外郎各差亦於康熙初裁省焉

又案明一代弊政莫甚于廠衛詔獄以刑名重任寄之武夫宦寺肆情生殺屠僂忠良其惡殆過漢之黃門北寺而履霜有自實起于令內監審錄獄囚俾得以擅作威福史稱成化以後凡大審錄太監齎敕張黃蓋于大理寺爲三尺壇中坐三法司左右坐御史郎中以下捧牘立唯諾趨走惟謹三法司視成案有所出入輕重俱視中官意不敢少忤以刑餘小豎輒敢凌鑠卿貳指揮郎吏竟無一人能與抗爭不獨褻侮班聯而刑獄之失中其流弊更難究詰我

國家明罰勅法慎重邦刑凡秋錄大典會讞上

聞皆

親覽要辭

宣召大臣再三審覈然後麗之於辟

權衡至正明允咸孚固非中官所得參決而內監等之給事禁掖者自灑掃

使令以外其他亦從未能干預絲毫官府肅清歷代積弊至今日而祛除
實盡矣

欽定歷代職官表卷十三

...

...

...

...

...

...

...

...

...

...

...

...

...

...

...

欽定歷代職官表卷十四

工部表

書 尚 部 工	夏司空 共工 殷司空 周司空 大司卿	三代 秦
		漢
		後漢 三國 晉
	屯田 起書 尚書部	宋 齊 梁 陳
		北魏 北齊 後周 隋
	起書 尚書部 大司空 大司卿 工部 尚書部	唐
	司空 大司卿 工部 尚書部	唐 五季 宋
	使宣院知使 南院事 宣院事 知院事 工部 尚書部	遼 金 元 明

歷代職官表 卷十四

中華書局聚

中 郎 司 繕 營 郎 侍 右 左 部 工

梓夫下匠周木石殿
人 大師 工 工

大空小周
夫中司

令中令後令前令右令左
校 校 校 校 校

校材令右令左
尉官 校 校

校材令右魏
尉官 校

將材令左郎起
軍官 校 部

司材將材令左郎起
馬官軍官 校 部

郎起
中部

署左郎起
令校 中部

大師小夫中匠夫中工
夫下匠 大師 大部

大空小
夫上 司

署右署左郎起
令校 令校 部

署中署右署左郎冬大司郎工
令校 令校 令校 中官夫平 中部

侍工
郎部

郎工
中部

司勾司八官司修郎工
當 作 監 內 中部

侍工
郎部

舉所都郎工
提城 中部

侍工
郎部

舉所都提點司修郎工
提城舉 提 內 中部

侍工
郎部

中司清營工
郎吏 繕 部

侍工
郎部

珍傲宋版印

營繕司員外郎 營繕司主事

冬上官
上士

冬上官
下士

左校
右校
前校
後校
中校
丞校

尙書
主事
令史
說具吏部篇

工部
上士
中士
小匠
師上

工部
下士
旅士

起外郎
起外郎
起外郎
承務郎
左丞校
署丞校
署丞校
署丞校
署丞校
署丞校
署丞校

起事部

工部
主事部

工部
員外郎

工部
主事部

工部
員外郎

工部
主事部

工部
員外郎
提舉
都同
所舉
提舉

工部
員外郎
提舉
都同
所舉
提舉
工部
營繕
司吏
主事

虞 衡 司 主 事 都 水 司 郎 中

山下虞士 林下衡士 川下衡士 澤下虞士

山虞主事
澤虞主事
林虞主事
川虞主事
等士
司司司司
車準度量
冶工工工
鑄工工工
鍛工工工
函工
等士
司大水
中水
夫下司
大司
司大
司司
大等
夫下

山虞主事

魏水部
魏水部
水部
水部
水部
水部
水部
水部

水部
水部

工部
清都
中司郎
吏水部

工部
虞主
衡主
事

歷代職官表

卷十四

三
中華書局聚

都水司員外郎 都水司主事

中司
士險

下司下凌
士險士人

小司水小
織小司
水部
承水部
務部
郎承水部
員外部
郎員水部
司員外部
郎員水部
員外部
郎員水部
員外部

掌舟等士
津工下
水部
主事部
水部
主事部

郎員水部
員外部
郎員水部
員外部

主事部

工部
都水司
主吏水部

工部
都水司
外司員吏水部

珍
做
宋
版
印

屯田司主事

屯田司員外郎

屯田司中郎

主戶口墾田書郎

屯田郎
屯田郎
屯田郎
屯田中郎
屯田中郎

屯田主事
屯田主事

內匠
外匠
上等
中等
士
士
屯田員外郎
屯田承務郎
屯田司員外郎

屯田郎
屯田郎
屯田中郎

大司夫

屯田員外郎

屯田中郎

工部屯田清司事
工部屯田清司主事

工部屯田清司員外郎

工部屯田清司中郎

司匠司庫造製	中	郎	庫	造	製
					工周草獸金殷 師 工 工 工
匠東丞考室考 丞園 工丞工					匠東令考室考 令園 工令工
					右考左考 丞工丞工
					匠東 令園
					丞銀丞作 局 堂
					署細 令作
織織織績毳膠韋雕 桌綵絲 工 工 工 工					士等織織織織韋雕上 中組桌綵絲 工 工 工 工
					小司玉小夫下司司司 司皮小司 大色
					署細 令作
					官院文 監 思
					署文 丞 思
					署文 令 思
					管副管府管匠人 總 總 總 總 色
所織料局鞍作院文 雜染局顏轡局皮思					

督 監 審 璃 琉 所 估 料 使 庫 庫

				陶周士殷 正 工 工			士工 人	
							敘次 命	
				官中前官中前 丞甄後令甄後				
				丞甄署甄 官 官 官				
丞磚湖丞磚湖署甄署甄令瓦陶東督瓦陶東 屯東 屯西丞官令官 署官西 署官西								
				署甄 令 官				
				下陶中陶 士工士工			士等織 下組	
				署甄署甄 丞官令官				
				署甄署甄 丞官令官				
				監審 官 務				
				署甄署甄 丞官令官			勾司覆 管實覆 司 實	
副領場四大領場門光領場門平 使使提審都 提審熙 提審則								
							使使等造 副大 局	

珍做宋版印

木倉皇木廠監督 管理街道廳

條
下
士
氏
狠

東主令東主
國章國章
東主丞主
國章國章
長主丞主
章章
丞主

中掌
土材
下掌
土材

百工
就谷
庫谷
斜陰
太陽
伊陰
等陽
丞監

街
指
司
道
揮

竹木
務勾
當官
事材
場官
官監

街
管
司
道
勾

中都
木場
使副
官判

受給
庫提
領大
使副
使領
副使

歷代職官表

卷十四

六 中華書局聚

堂主事司書務筆帖式

	令史		
	令尚書史		
	令史		
	令諸尚書史	史都尚書	
	令史曹書正		
	史書令		
	譯令尚書史	史都尚書	
	史書史正		
	令		
	令諸工尚書史	都工尚書	
	史曹部書	事部書	
	史書令工尚書	都右尚書	都右尚書
	令史部書	都司	事司
	官守史書令工尚書	都右尚書官監六	都右尚書
	官當	事司書門部	事司
	譯令女工		
	史史直部	都右司	
	書蒙令齊筆工	磨部右都右	
	寫古史且部	照三事司	
		務廳司工	
		司務部	

珍做宋版印

工部上 學 欽 廉 古 生 存 一 人 聚 五 五 年 會 奠 軍 服 中 員 欽 廉 關 海 燕 師

國朝官制 時 關 又 會 奠 軍 員 欽 廉 四 人 五 十 十 年 時 奠 古 禮 中 一 人 員 欽

工部尚書滿洲漢人各一人 欽 廉 關 海 燕 師 各 一 人 三 十 八 年 會 奠 古 禮 中

掌天下工虞器用辨物庀材以飭邦事所屬有營繕虞衡都水屯田四清

吏司 中 八 人 奠 古 禮 中 一 人 欽 廉 關 海 燕 師 各 一 人 三 十 八 年 會 奠 古 禮 中

國初設工部滿洲承政二員蒙古承政一員漢人承政一員滿洲參政八員

啓心郎一員尋又增設漢人參政二員蒙古參政二員漢人啓心郎二員

崇德三年改設承政一員左參政二員右參政三員順治元年改承政爲

尚書無定員五年定設滿洲漢人尚書各一人雍正元年以來以親王郡

王大學士兼理部務皆由

特簡不恆置

左右侍郎滿洲漢人各一人 欽 廉 關 海 燕 師 各 一 人 三 十 八 年 會 奠 古 禮 中

掌綜事訓工以貳尚書順治元年定額滿漢右侍郎兼管理錢法堂事務

詳見戶工二
部錢局篇

營繕清吏司郎中滿洲四人蒙古一人漢人一人員外郎滿洲五人漢人一人
主事滿洲二人蒙古一人漢人二人

掌繕治

壇

廟宮府城垣倉庫廨宇營房辨飭物材而司其禁令凡工作之籍以時會而上

之

國初置工部理事官九員副理事官十二員額者庫二員順治元年改設滿

洲郎中八人蒙古郎中一人滿洲員外郎九人蒙古員外郎三人滿洲主

事四人漢軍郎中二人員外郎六人十二年增設滿洲郎中九人員外郎

十人康熙二十二年增設滿洲主事每旗各一人三十八年省蒙古郎中

員外郎額闕又省漢軍員外郎四人五十七年復設蒙古郎中一人員外

郎一人增設蒙古主事一人雍正五年省漢軍郎中員外郎額闕滿洲司

屬初不分曹聽委於其長後始定額如今制漢人司屬則自順治元年即隨曹置額初設營繕司郎中二人員外郎二人主事六人虞衡司郎中一人員外郎二人主事三人都水司郎中一人員外郎二人主事十有一人屯田司郎中一人員外郎一人主事三人十四年增營繕司主事三人十五年省營繕司郎中一人營繕都水虞衡三司員外郎各一人都水司主事一人十六年省營繕司主事二人十八年復設營繕司郎中一人康熙元年仍省又省營繕司主事一人六年營繕虞衡屯田三司又各省主事一人都水司四人十一年增都水司員外郎二人尋省十二年又省都水司主事四人

虞衡清吏司郎中滿洲四人漢人一人員外郎滿洲四人蒙古一人漢人一人主事滿洲三人漢人二人

掌山澤採捕及陶冶器用修造權衡武備之事若葦席竿繩之屬則儲以待用應時而給之

都水清吏司郎中滿洲五人漢人一人員外郎滿洲五人漢人一人主事滿洲

四人漢人二人

掌河防海塘及直省河湖淀泊川澤陂池水利之政令凡道路之平治橋

梁之營葺舟楫之制度咸總而舉之歲十有二月則藏冰夏而出之以供

祭祀

宮府之用焉

屯田清吏司郎中滿洲四人漢人一人員外郎滿洲五人漢人一人主事滿洲

三人漢人二人

掌修

陵寢大工及王公百官墳塋之制凡大祭祀則供其薪炭百司歲給亦如之工

匠之餼於官及以時和顧者皆量其功役而為之程度焉

節慎庫郎中員外郎滿洲各一人司庫滿洲二人庫使滿洲十有一人

掌出納金錢月要歲會以上其數郎中員外郎俱於各司屬中簡調一年

而代初設有漢人大使一人順治十五年省

製造庫郎中滿洲二人漢人一人司匠滿洲二人

初制七品康熙九年定為從九品

司庫滿洲

二人庫使滿洲二十有二人

掌攻冶金革所領銀工之屬十有二鑊工之屬九皮工之屬十有三繡工

之屬五甲工之屬八凡車輅儀仗之制展采備物皆辨其名數而供之初

置滿洲郎中一人員外郎二人後省員外郎而增置滿洲郎中一人漢人

郎中初以虞衡司員額管製造庫事乾隆十九年改為製造庫郎中皆於

本部司官內遴選補授

料估所司員滿洲漢人各三人

掌審曲面執量丈尺權物價計庸直以授成於督工之官工竣則覆覈之

皆於本部司員內簡委一年而代

琉璃窰監督滿洲漢人各一人

掌陶琉璃器具按其模式辨其等差以供

大工之用順治初專差漢人司官康熙元年改差滿洲漢人司官各一人一年而代

木倉監督滿洲漢人各一人

木倉在天安門右千步廊外凡各省歲輸木材自張家灣運京者謹其儲待以待各工順治初專委滿洲司官一人康熙六十年改定以滿漢司官各一人管理二年而代

皇木廠監督滿洲一人

木廠初設於通州及張家灣各遣筆帖式二人驗收運京木材康熙二十六年停遣筆帖式通州廠以通惠河分司主之尋改歸通永道張家灣廠本部遴滿洲司官一人管理凡運木至水次部委官驗視如式則令監督受之核其數以運入木倉一年而代

管理街道廳御史一人本部司員一人步軍統領衙門司員一人

掌平易道塗清理溝洫歲時相度疏濬滌泥渫潦以利車馬初委本部司

官滿洲漢人各一人乾隆三十一年定制令都察院掄選御史二人工部
步軍統領衙門各掄選司屬二人引

見簡派以專責成一年而代

堂主事滿洲三人漢軍一人

掌章奏者滿洲一人漢軍一人掌案牘者滿洲二人俱順治元年定額

司務廳司務滿洲漢人各一人

順治元年定額

職事見吏部篇

筆帖式滿洲九十三人蒙古二人漢軍十有二人

滿洲筆帖式初置九十人後增設三人蒙古筆帖式雍正十二年置額漢

軍筆帖式初置十四人後省二人俱分隸各司視事之繁簡以為額

職事見吏部

部篇

謹案工部舊設營繕所所正一員所副一員俱順治十五年省所丞二

員順治十四年置以一員管清江甄廠一員管臨清甄廠尋省臨清廠

一員清江廠一員中罷復置雍正四年俱省又舊沿明制有文思院廣積庫柴炭司通州抽分竹木局大使各一員後俱省又初設有柴薪正副監督各一人以本部司官充煤炭監督二人一以本部司官兼攝一以內務府司官兼攝掌預時給直採取薪炭以儲內廷之用乾隆四十六年以其事併歸內務府經理焉

歷代建置上

三代

〔尚書舜典〕舜曰咨四岳有能奮庸熙帝之載使宅百揆亮采惠疇僉曰伯禹作司空帝曰俞咨禹汝平水土惟時懋哉帝曰疇若予工僉曰垂哉帝曰俞咨垂汝共工垂拜稽首讓於殳斨暨伯與帝曰俞往哉汝諧帝曰疇若予上下草木鳥獸僉曰益哉帝曰俞咨益汝作朕虞益拜稽首讓于朱虎熊羆帝曰俞往哉汝諧

謹案司空爲冬官之任肇自虞廷然以今工部所掌按之則實卽垂所

爲之共工一官而不盡出於司空之職鄭康成註考工記謂司空掌營城郭建都邑立社稷宗廟造宮室車服器械監百工者唐虞以上曰共工據此是司空卽共工之官而改其名者賈公彥疏申鄭之義謂堯初冬官爲共工舜舉禹治水改命司空以官異之禹登百揆後復爲共工其說甚鑿然不見於他書未足依據嘗考司空命名之義孔安國謂主國空土以居民見尙書傳顏師古謂空穴也古人穴居主穿土爲穴以居人見漢書百官表注白虎通則云司空主土不言土言空者空尙主之何況於實見白虎通封公侯篇諸書所釋雖互有異同要其職皆在於平治水土度地居民而並不及乎辨器飭材之事故尙書大傳謂溝瀆過水爲害田廣不墾則責之司空而家語亦謂孔子爲司空別五土之性而物其所生之宜是知司空所主者在乎辨方正位體國經野之大猷而百工之事乃特其兼屬而初非其本職此司空與共工虞廷所以分爲兩官也周禮冬官旣闕其制不詳漢司空但主四方水土功課而繕修攻錯之工則

分屬之將作少府尚為不失遺意唐宋以後工部專司工作而共工始合於司空又以虞曹隸屬工部而山澤之掌亦歸其統轄虞廷九官遂合伯禹及垂益所掌而一之工部四司實兼有司空共工虞官之職事矣今以舜典經文錄冠三代之首用明緣起而歷代建置分合之故則隨條附考如左

〔杜佑通典〕禹元孫之子曰冥為夏司空

〔禮記孔穎達疏〕鄭註大傳夏書所謂六卿有共工

謹案尚書胤征工執藝事以諫當即指共工之官蓋百工各執其藝而共工為之長也又儀禮覲禮云嗇夫承命告於天子鄭康成注嗇夫司

空之屬考周禮無此官惟胤征有嗇夫馳之文則亦當出於夏制然孔

安國傳以為主幣之官與覲禮所言又頗不相合案左傳稱司空以時

平易道路國語稱司空視塗嗇夫為田畯之官

見詩甫田篇鄭箋若漢之鄉嗇夫職聽訟收賦

稅與三代不同其職本在郊畿以外疑諸侯入覲時嗇夫實有除道之責如野

盧環人者比故屬於司空孔傳主幣之說特以意揣測而言之耳

〔夏小正〕十有二月虞人入梁〔傳〕虞人官也梁者主設罟罟者也

謹案此即伯益所掌之虞官至夏世而其職較輕者蓋益當洪水之後

山川林澤皆未能得所故以益平治之與禹平水土殆相為表裏三代

以降則不過掌其禁令與民共之而已

禮記曲禮天子之五官曰司空〔鄭康成註〕此亦殷時制也天子之六工曰土工金工石

工木工獸工草工典制六材〔鄭康成註〕此亦殷時制也周則皆屬司空土工陶旂也金工築冶鳧臬段桃也石工玉人

磬人也木工輪輿弓廬匠車梓也獸工函鮑韞章裘也惟草工職亡蓋謂作萑葦之器

〔尚書洪範〕三八政四曰司空〔孔穎達疏〕司空掌居民之官

〔尚書序〕咎單作明居〔孔穎達疏〕馬融曰咎單為湯司空

〔禮記王制〕司空執度度地居民山川沮澤時四方量地遠近興事任力

〔詩大雅〕乃召司空〔朱子集傳〕司空掌營國邑

〔尚書立政〕司徒司馬司空亞旅〔孔安國傳〕此有三卿是文武未伐紂

時舉文武之初以為法則

〔尚書周官〕司空掌邦土居四民時地利

〔尚書孔安國傳〕司空第六毛公領之

〔春秋定公四年左傳〕聃季為司空

〔周禮地官〕鄉師執蠹以與匠師治役〔鄭康成註〕匠師事官之屬其于

司空若鄉師之于司徒也鄉師主役匠師主眾匠〔賈公彥疏〕地官之考

稱鄉師春官之考稱肆師秋官之考稱士師此經鄉師是司徒考明匠師

亦是司空考故云其于司空若鄉師之于司徒天官太宰設其考鄭注云考成也佐成事者謂宰夫

鄉師肆師軍司馬士師也司空亡未聞其考賈疏云匠師司空之考而未聞者以義約之無正文故也

〔儀禮大射儀〕工人士與梓人度尺而午〔鄭康成註〕工人士梓人皆司

空之屬王應麟曰工人士能正方圓者

〔謹案周禮事官之屬已亡其職制不可復見惟太宰謂建其正立其貳

設其考者五官之數並同則冬官當亦無異以例推之知為大司空卿

一人小司空中大夫二人匠師下大夫四人上士八人中士十六人旅
下士三十二人若府史胥徒則五官已有參差未可臆定矣至儀禮之
梓人已見考工記而工人士能正方圓卽所謂審曲面勢之事今工部
之料估所蓋其職也

〔周禮考工記〕輪人爲輪爲蓋輿人爲車斡人爲斡築氏爲削冶氏爲殺
矢桃氏爲劍鳧氏爲鍾臬氏爲量段氏函人爲甲鮑人鞞人爲臬陶韋氏
裘氏畫績之事筐人慌氏玉人柳人雕人磬氏爲磬矢人爲矢陶人爲甗
旒人爲簋梓人爲筍虛爲飲器爲侯廬人爲廬器匠人建國營國爲溝洫
車人爲耒爲車弓人爲弓

〔鄭康成註〕事官之屬六十此職其五材之十工
略記其事耳其曰某人者以其事名官也其曰
某氏者官有世功若族
有世業以氏名官者也

謹案司空之職在居四民時地利故凡田萊溝洫都邑涂巷市井室廬
以至桑麻穀粟之所出山澤林麓之所生其法式皆當屬之事官太宰
六典小宰六職其于事典事職皆曰以富邦國而鄭康成亦謂司空掌

邦事所以富充國家使民無空王與之周禮訂義亦云如衛文公務材
訓農通商惠工馴致殷富蓋得事典遺意冬官職守昭然可見若考工
記所載止百工之事雖本司空一屬而不可遂以補冬官之闕且諸工
尙當各有官以統之亦不可謂工即爲官今故但節敘大略于此不復
著之于表

〔禮記月令〕命工師令百工審五庫之量〔鄭康成註〕工師司空之屬官

也〔孔穎達疏〕周禮無工師知是司空屬官者以司空掌工巧此稱工巧師長故知司空之屬

謹案匠師工師鄭康成皆以爲司空之屬而職掌則未之詳以義推之
匠師即後世大匠之職蓋掌營建國邑宗廟者魯匠師慶諫丹楹刻桷
此即其證當如今之營繕司工師主工巧則掌造作器物者故月令又
有命工師效功按度程必功致爲上之文當如今之製造庫也

〔春秋襄公二十五年左傳〕昔虞闕父爲周陶正〔杜預註〕當周之興闕

父爲武王陶正

謹案列仙傳甯封子為黃帝陶正其說荒誕不足信然亦可見搏埴之工其來已久蓋即考工記之陶人如今之琉璃窰監督也

〔周禮秋官〕條狼氏下士六人胥六人徒六十人〔鄭康成註〕杜子春云

條當為滌器之滌除也狼狼扈道上賈公彥疏狼扈道上者謂不獨之物在道猶今言狼籍也

謹案周禮野廬氏達國道路至于四畿而遂師巡其道修候人掌其道

治皆在野外至國中之道路則條狼氏專司焉滌除狼扈而使之潔清

正如今街道廳之職也

〔周禮地官〕山虞每大山中士四人下士八人府二人史四人胥八人徒

八十人中山下士六人史二人胥六人徒六十人小山下士二人史一人

徒二十人掌山林之政令物為之厲而為之守禁鄭康成註虞度也度知山之大小及所生者

林衡每大林麓下士十有二人史四人胥十有一人徒百有二十人中林

麓如中山之虞小林麓如小山之虞掌巡林麓之禁令而平其守若斬木

材則受法于山虞而掌其政令鄭康成註衡平也平林麓之大小及所生者川衡每大川下士

十有二人史四人胥十有二人徒百有二十人中川下士六人史二人胥
六人徒六十人小川下士二人史一人徒二十人掌巡川澤之禁令而平
其守澤虞每大澤大藪中士四人下士八人府二人史四人胥八人徒八
十人中澤中藪如中川之衡小澤小藪如小川之衡掌國澤之政令爲之
厲禁

謹案國語齊語山立三虞澤立三衡三虞者大山大林麓中山中林麓
小山小林麓三衡者大川大澤藪中川中澤藪小川小澤藪當時侯國
之制並同蓋皆以官分地而巡守之故非一職正如漢之郡國都水官
從世于尚書立虞部明改曰虞衡其名雖沿周官之舊而實則稍殊然
掌山澤採捕之禁令則固未之有改也今以山虞以下四職著之于表
以明權輿所自至虞人又爲田獵之官周禮所謂山虞萊山田之野澤
虞萊澤野以致禽而珥者其職正與今圍場總管相近今亦並從互見
焉

〔周禮夏官〕司險中士二人下士四人史二人徒四十人設國之五溝五涂而樹之林以爲阻固皆有守禁而達其道路

〔周禮天官〕凌人下士二人府二人史二人胥八人徒八十人掌冰正歲十有二月令斬冰三其凌春始治鑑夏頒冰掌事秋刷

謹案司險掌設五溝五涂杜佑以爲卽後世水部之職所自出今並係之于表至納冰之制唐宋掌之禮部今則改屬工曹故凌人一官亦著之都水司沿革云

〔唐六典〕工部尙書周之冬官卿侍郎周之小司空中大夫也大司空屬官有下大夫蓋郎中之任地官有山虞澤虞蓋虞部之職也

秦

〔杜佑通典〕秦有將作少府掌治宮室

謹案自六官之制旣廢秦漢始設九寺大卿以統庶事逮隋唐復建六部而寺監之官仍相沿並置故有戶部復有司農寺有禮部復有太常

寺有兵部復有太僕寺有刑部復有大理寺是皆周司徒宗伯司馬司寇之職事而分析別領于他官者也惟工官之任歷代雖有將作都水二監而明代卽併入工部至今仍之別無分署故今之營繕都水二清吏司實兼有此二監之職謹並係之工部沿革以明官制分合之由至大匠少匠監少監諸官其品位不參八座未可以當冬官卿貳故不列于表而左右校甄官署諸令丞則仍按曹司分屬說具於後

漢

〔章俊卿山堂考索〕漢成帝綏和元年御史大夫改爲大司空後漢以司空爲三公

〔後漢書百官志〕司空公一人掌水土事凡營起城邑浚溝洫修墳防之事則議其利建其功凡四方水土功課則奏其殿最而行賞罰

謹案漢司空所掌雖亦本三代事官舊典然當時備位三公乃宰相之職與後世工部之列六尚書者不同今故係之內閣表內其魏晉以後

司空之官俱視此例別詳內閣篇云

〔鄭樵通志〕漢成帝置尚書郎四人其一人主戶口墾田蓋尚書屯田郎之始也

〔通典〕成帝初置尚書有民曹後漢光武改主繕修功作鹽池園苑

〔漢書百官公卿表〕將作少府有兩丞左右中候景帝中六年更名將作

大匠屬官有石庫東園主章左右前後中校七令丞如淳曰章謂大材也舊將作大匠主材吏

名章曹掾師古曰東園主章掌大材以供東園大匠也又主章長丞師古曰掌凡大木也武帝太初元年更名

東園主章為木工成帝陽朔三年省中候及左右前後中校五丞

〔後漢書百官志〕將作大匠一人二千石掌修作宗廟路寢宮室陵園木

土之工並樹桐梓之類列于道側丞一人六百石左校令一人六百石掌

左工徒丞一人右校令一人六百石掌右工徒丞一人

〔太平御覽〕將作大匠世祖以謁者領其官章帝建初元年乃置其位次

河南尹

謹案將作大匠即唐虞共工之官正當今工部營繕司之職其所屬東園主章令丞主章長丞專掌木材則如今之木倉及皇木廠監督至左右校專主工役則亦如今之營繕司又後漢書蘇不韋傳載李暹為大司農右校芻廩在寺北垣下不韋潛入廩中云云則又如今之有柴薪廠也

〔漢書百官公卿表〕太常屬官有都水長丞

如淳曰律都水治渠堤水門三輔黃圖云三輔皆有都水

也水衡都尉都水長丞屬焉

〔後漢書百官志〕郡有都水官隨事廣狹置令長及丞

〔唐六典〕漢成帝以都水官多置左右使者各一人劉向護左都水使者是也至哀帝罷之後漢省都水以屬郡國而置河隄謁者五人

〔通典〕漢有都水長丞主陂池灌溉保守河渠自太常少府及三輔等皆有其官

謹案都水之官實昉于漢而命名之義則史未之詳考尚書禹貢大野

既豬彭蠡既豬滎波既豬史記夏本紀皆作既都被孟豬則作被明都
註引鄭康成云南方謂都爲豬孔安國曰水所停曰豬字彙補曰都水
所聚也是都豬二字相通蓋都水之職在固隄防障陂澤故取周官稻
人以豬蓄水之義以爲名也其事關邦土正司空所掌之一端而漢代
都水屬水衡太常晉以後別爲都水臺及都水監俱各置官僚宋世雖
併入工部旋又復置至明始罷其職今取歷代建置本末具載于篇以
明都水司職守所自至漢水衡都尉雖以衡官爲名而所司乃林苑池
籩當如今之奉宸苑之職今故別係諸內務府表內焉

〔漢書百官公卿表〕少府有考工室東園匠令丞武帝太初元年更考工

室爲考工

臣瓚曰冬官爲考
工主作器械也

〔後漢書百官志〕考工令一人六百石主兵器及織綬諸雜工左右丞各

一人屬太僕

謹案漢之考工令丞及東園匠令丞主作器具雜物蓋如今製造庫之

職也

〔周禮鄭康成註〕比較治道者名若今次金敘大功賈公彥疏漢時主役之官官名次金敘主以丈尺賦功

謹案次金敘不見于漢書其職主以丈尺賦功則當如今工部之料估所矣

〔唐六典註〕後漢將作大匠屬官有前後中甄官令丞

謹案後漢百官志無甄官令丞唐六典未知何據然考三國吳志孫堅傳稱堅軍城南甄官井上且有五色氣堅令人入井探得傳國璽則後漢實有是官蓋如今之琉璃窰監督也

三國

〔通典〕漢民曹主繕修功作魏置左民尚書亦領其職

謹案漢民曹尚書魏左民尚書雖主繕修工役之事而其名實為民部所承非工曹沿革今俱係諸戶部表內不列於此

〔宋書百官志〕魏世有虞曹水部郎

〔冊府元龜〕魏九卿與漢同惟并將作之左校于材官又以水衡都尉主天下水軍舟船器械

〔唐六典〕後漢有材官校尉魏并左校於材官署

謹案魏晉以後之材官校尉材官將軍其職專掌營繕故取材木之義

以為名非若漢書所謂材官騎士也漢書高祖紀巴蜀材官張晏註材官有材力者與此不同又通

典稱魏并左校右校入材官而唐六典冊府元龜但言并左校是魏世

尚有右校令矣通典殆誤衍一右字歟

晉

〔馬端臨文獻通考〕晉始有屯田尚書及太康中謂之田曹後復為屯田

〔晉書百官志〕晉受命武帝置虞曹屯田起部水部曹郎及江左無屯田

郎康穆以後又無虞曹郎但有起部水部曹郎後又省光祿勳統東園匠

令

〔唐六典〕晉將作大匠置功曹主簿五官等員掌土木之役過江後不常置少府屬官有左校無右校其職蓋并于左校又改材官校尉為將軍後復罷左校令又少府領甄官署令掌磚瓦之任又有甄官丞

〔晉書百官志〕都水使者漢水衡之職也漢有都水長丞屬太常東京省都水置河堤謁者魏因之及武帝省水衡置都水使者一人以河堤謁者為都水官屬及江左省河堤謁者置謁者六人

〔通典〕晉省水衡置都水臺掌舟航及運部元康中復有水衡都尉元康百官

名及晉起居注曰陳慎戴熊俱以都水使者領水衡都尉

謹案自魏以水衡主舟船器械晉則都水使者兼領之亦主舟航運部正如今工部虞衡都水二司之職與漢制不同故並附著于此

宋齊梁陳

〔通典〕晉宋以來有起部尚書不常置每營宗廟宮室則權置之事畢則省以其事分屬都官左民尚書

〔孫逢吉職官分紀〕宋高祖始置水部起部曹郎

〔南齊書百官志〕度支尚書領起部曹都官尚書領水部曹起部尚書與立宗廟權置事畢省

〔唐六典〕宋齊左民郎中兼知屯田事梁陳並爲侍郎

〔隋書百官志〕梁尚書省置虞曹起部屯田水部等郎陳承梁皆循其制
官

〔宋書百官志〕將作大匠一人丞一人有事則置無則省材官將軍一人司馬一人主工匠土木之事漢左右校令其任也魏右校又置材官校尉主天下材木事晉江左改材官校尉曰材官將軍又罷左校令今材官隸尚書起部及領軍

〔南齊書百官志〕將作大匠不常置掌宮廟土木材官將軍一人司馬一人屬起部亦屬領軍

〔隋書百官志〕梁天監七年以將作大匠爲大匠卿掌土木之功統左右

校諸署陳大匠卿品第三

〔冊府元龜〕梁大匠卿班第十又置丞一人班第三又置將作營作又別

立長史司馬主簿各一員

〔唐六典〕宋齊梁陳有左校令丞別置材官將軍司馬右校令丞宋齊梁

陳皆無

謹案唐六典稱宋齊梁陳無右校杜氏通典亦同而隋書百官志乃謂

梁大匠卿統左右校與六典不合疑隋書誤也又案南齊書王敬則傳

高帝將受禪材官薦易太極殿柱王延之傳宋明帝即勅材官為起三

闕齋屋梁書謝朓傳朓到京師勅材官起府于舊宅良吏沈瑀傳宋明

帝使瑀築赤山塘所費減材官所量數十萬是當時興築修濬之役多

以屬之材官實兼有今營繕都水二司之職事矣

〔王應麟玉海〕宋齊有陶官

〔唐六典〕宋齊有東西陶官瓦署督各一人

〔隋書百官志〕梁少府置甄官署令丞又細作令作堂金銀局丞木局丞湖西磚屯丞湖東磚屯丞爲三品蘊位

謹案江左諸朝惟梁官制稍備其甄官令本承漢晉之舊而磚屯丞並掌搏埴亦當如今琉璃窰監督至木局丞當如今之木倉監督細作令作堂金銀局丞則當如今之製造庫矣

〔通典〕宋孝武帝初省都水臺罷都水使者置水衡令孝建元年復置

〔冊府元龜〕齊復置都水臺使者一人梁改都水使者爲大舟卿又置丞主簿陳如梁制

〔隋書百官志〕梁大舟卿主舟航堤渠

北魏

〔魏書官氏志〕太和十五年置司空虞曹官

〔唐六典〕後魏有起部郎中屯田郎中虞曹郎中水部郎中

〔冊府元龜〕魏將作大匠從第二品後降爲從三品其丞從五品後降爲

第五品下分建都水使者正第四品中水衡都尉從五品中後改都水使者從五品而省水衡又有都水參軍六人

謹案魏書李靈傳靈孫道官尚書度支郎遷洛為營構將又韋閔傳天

水姜昭為營構都將又李彪傳李志為永寧寺典作副將其名俱不見

於史志疑因工作暫置之官正如今之管理工程大臣及監督也又高

道悅傳稱洛京廟庫未構高祖將水路幸鄴詔都水回營構之材以造

舟楫是魏世都水使者亦主舟航蓋尚沿晉制矣

北齊

〔隋書百官志〕後齊尚書省祠部統虞曹

掌地圖山川遠近園囿田獵穀膳雜味等事

屯田

掌

田諸州屯田等事

起部

掌諸興造工匠等事

都官統水部

掌舟船津梁公私水事

梁

郎中並一人虞曹量

事置掌故主事員○都水臺管諸津橋使者二人參事十人又領都尉合

昌坊城等三局尉皆分司諸津橋○太府寺統細作左校甄官等署令甄

官署又別領石窟丞○將作寺掌諸營建大匠一人丞四人亦有功曹主

簿錄事員若有營作則立將副將長史司馬主簿錄事等各一人
謹案北齊都水臺但管津橋是歷代所爲舟航堤渠之職掌已漸移於
水部矣

後周

〔太平御覽〕後周書曰冬官謂之大司空掌邦事以五材九範之法佐皇
帝富邦國

〔文獻通考〕後周有工部中大夫二人承司空之事掌百工之籍而理其
禁令

〔通典〕後周官品正七命大司空正六命小司空上大夫正五命冬官工
部匠師司木司土司金司水等中大夫正四命地官虞部下大夫冬官小
匠師小司木小司土小司金小司水司玉司皮司色司織司弁等下大夫
正三命地官小虞部上士冬官工部小匠師內匠外匠掌材小司木小司
土小司金鍛工函工小司水典壅小司玉小司皮小司色小司織小司弁

等上士正二命地官山虞澤虞林衡川衡等中士冬官工部內匠外匠司
 量司準司度掌材車工角工彝工器工弓工箭工盧工復工陶工塗工典
 升冶工鑄工鍛工函工雕工典雍掌津舟工典魚典彘璫工磬工石工裘
 工履工鞞工鞞工韋工織絲織綵織桌織組竹工籍工罍工紙工等中士
 正一命地官山虞澤虞林衡川衡等下士冬官工部旅司量司準司度掌
 材車工角工彝工器工弓工箭工盧工復工陶工塗工典升冶工鑄工鍛
 工函工雕工典雍掌津舟工典魚典彘璫工磬工石工裘工履工鞞工鞞
 工韋工膠工毳工績工漆工油工弁工織絲織綵織桌織組竹工籍工罍
 工紙工等下士

謹案後周仿周禮設官其冬官之屬最為繁冗以今制準之約略可見
 者如營繕司本周司空之考而在唐宋為頭司當有匠師工部之職虞
 衡司本出虞部而今制專掌鼓鑄兵器造車及作度量權衡之事則又
 當有鍛工函工冶工鑄工車工司量司準司度之職都水司蓋即司水

而兼主船政織造則又當有掌津舟工司織司舟之職屯田司今主匠
役則當有內匠外匠之職至司木掌材如木倉監督陶工如琉璃窰監
督而今之製造庫所掌工作較多則凡司玉司皮司色雕工韋工膠工
毳工績工之屬皆其職矣

隋

〔隋書百官志〕高祖受命置尙書省工部尙書統工部屯田侍郎各二人
虞部水部侍郎各一人都水臺使者及丞各二人參軍三十人河堤謁者
六十人錄事二人領掌船局都水尉二人又領諸津上津每尉一人丞二
人中津每尉丞各一人下津每典作一人津長四人太府寺統甄官署令
二人丞四人將作寺大匠一人丞主簿錄事各二人統左右校署令各二
人丞左校四人右校三人各有監作左校十二人右校八人開皇三年廢
都水臺入司農十三年復置都水臺二十年改將作寺爲監以大匠爲大
監初加置副監煬帝卽位尙書六曹各置侍郎一人以貳尙書之職諸曹

侍郎並改爲郎又改工部爲起部郎以異六侍郎之名將作監改大監少監爲大匠少匠統左右校及甄官署又改大匠爲大監少匠爲少監又改置少監又改監少監爲令少令

〔通典〕至隋乃有工部尙書蓋因後周工部之名兼前代起部之職

謹案工部自隋代始列六曹而其時營建工作尙多領之少府將作少府

如今內務府將作則今營繕司

故以巧藝著名如宇文愷劉龍閤毗何稠雲定興等皆

嘗官將作監而宇文愷傳又稱其爲營宗廟副監營新都副監營東都

副監則皆因事特置如今之

欽派管理工程大臣非常制也又何稠傳稱高祖爲丞相以稠掌細作署蓋

卽梁齊之細作令而隋志無其官殆後經裁併歟

欽定歷代職官表卷十四

欽定歷代職官表卷十五

工部下

歷代建置下

唐

新唐書百官志工部尚書一人正三品侍郎一人正四品下掌山澤屯田
 工匠諸司公廨紙筆墨之事其屬有四一曰工部二曰屯田三曰虞部四
 曰水部工部郎中員外郎各一人掌城池土木之工役程式為尚書侍郎
 之貳凡京都營繕皆下少府將作共其用役千功者先奏凡工匠以州縣
 為團五人為火五火置長一人四月至七月為長功二月三月八月九月
 為中功十月至正月為短功雇者日為絹三尺凡津梁道路治以九月工

部主事三人屯田主事二人虞部主事二人水部主事二人

武德三年改起部曰工部

龍朔二年曰司平屯田曰司田虞部曰司虞水部曰司川光宅元年改工
 部曰冬官天寶十一載改虞部曰司虞水部曰司水工部有令史十二年改工
 書令史二十一人計史一人掌固四人虞部令史四人書令史九人掌固四人水部
 十二人計史一人掌固四人虞部令史四人書令史九人掌固四人水部

令史四人書令史九人掌固四人 ○屯田郎中員外郎各一人掌天下屯田及京文武職

田諸司公廩田以品給焉 ○虞部郎中員外郎各一人掌京都衢闕苑囿

山澤草木及百官蕃客時蔬薪炭供頓畋獵之事每歲春以戶小兒戶婢

仗內蒔種漑灌冬則謹其蒙覆凡郊祠神壇五岳名山樵採芻牧皆有禁

距墻三十步外得耕種春夏不伐木京北河南府三百里內正月五月九

月禁弋獵山澤有寶可供用者以聞 ○水部郎中員外郎各一人掌津濟

船艫渠梁堤堰溝洫漁捕運漕碾磴之事凡坑陷井穴皆有標京畿有渠

長斗門長諸州堤堰刺史縣令以時檢行而泄其決築有壞則以下戶分

牽禁爭利者

〔舊唐書職官志〕將作監龍朔改為繕工監光宅改為營繕監神龍復為將作監也 大匠一員從三品 少

匠二員從四品下 掌供邦國修建土木工匠之政令總四署三監百工之官屬

以供其職事凡兩京宮殿宗廟城郭諸臺省監寺廨宇樓臺橋道謂之內

外作皆委焉丞四人主簿二人錄事二人府十四人史二十八人計史三

人亭長四人掌固六人○左校署令二人從八品下丞四人府六人史十二人

監作十人掌供營構梓匠凡宮室樂懸篋簾兵仗器械喪葬所須皆供之

○右校署令二人從八品下丞三人府五人史十人監作十人典事十四人掌

供版築泥塗丹牖之事○中校署令一人從八品下丞三人府三人史六人監

事四人典事八人掌固二人掌供舟車兵仗廩牧雜作器用之事凡行幸

陳設供三梁竿柱閑廐供剉碓行槽祭祀供葛竹塹等○甄官署令一人

從八品下丞二人府五人史十人監作四人典事十八人掌供琢石陶土之事

凡石磬碑碣石人獸馬碾礮磚瓦瓶缶之器喪葬明器皆供之○百工就

谷庫谷斜谷太陰伊陽等監皆在出材之所監各一人從七品下丞一人府各一人史

三人典事各二十一人錄事各一人監事四人掌採伐材木

謹案唐制凡興建修築材木工匠俱工部下少府將作以供其事與隋

代相同蓋將作未併入工部以前工部所掌惟程式制度其繕造之務

固專屬之將作也

〔唐六典〕都水監使者二人正五品上掌川澤津梁之政令凡漁捕之禁
衡虞之守皆由其屬而總制之凡京畿之內渠堰陂池之壞決則下於所
由而後修之丞二人從七品上主簿一人○舟楫署令一人正八品下丞
二人正九品下掌公私舟船及運漕之事○河渠署令一人正八品下丞
一人正九品下掌供川澤魚鹽之事○諸津令一人正九品上丞一人從
九品下各掌其津濟渡舟梁之事

謹案都水之職至唐已全歸於水部故舟楫署在開元末已廢見新唐書百官

志而河渠署所掌不過供祭祀及尚食之魚鱉亦僅存空名而已

五季

〔五代史本紀〕梁開平四年工部侍郎杜曉唐同光元年工部郎中李塗
天成元年工部尚書任圜四年趙鳳為門下侍郎兼工部尚書周顯德元
年工部侍郎景範五年水部員外郎韓彥卿

〔五代史列傳〕張憲拜工部侍郎租庸使憲本范延光拜檢校工部尚書

延光本傳 崔協除工部郎中于鄴盧文紀傳 中書舍人盧價為工部侍郎馮玉傳 賈緯

為太常博士改屯田員外郎緯本傳 張允鎮累遷水部員外郎知制誥允鎮本傳

王延拜補闕兼水部員外郎延本傳

謹案五季工部官制並依唐制而史文不詳今採見於紀傳者以著其

略

宋

〔宋史職官志〕工部掌天下城郭宮室舟車器械符印錢幣山澤苑囿河

渠之政凡營繕歲計所用財物關度支和市其工料則飭少府將作監檢

計其所用多寡之數凡百工其役有程而善否則有賞罰兵匠有闕則隨

以緩急招募籍坑冶歲入之數若改用錢寶先具模製進御請書造度量

權衡則關金部印記則關禮部凡道路津梁以時修治舊制判部事一人

以兩制以上充元豐並歸工部其屬三曰屯田曰虞部曰水部設官十尙

書侍郎各一人工部屯田虞部水部郎中員外郎各一人元祐元年省水

部郎官一員紹聖元年詔屯田虞部互置郎官一員兼領○尙書掌百工水土之政令稽其功緒以詔賞罰總四司之事侍郎爲之貳若制作營繕計置採伐所用財物按其程式以授有司郎中員外郎參掌之應官吏兵民緣本曹事有功賞罪罰則審實以上尙書省若諸監鼓鑄錢寶按年額而課其數因其登耗以詔賞罰凡車輦飭器印記之造則少府監文思院隸焉甲兵器械之制則軍器所隸焉有合支物料工價則申於朝以屬戶部建炎併將作少府軍器監並歸工部是時營繕未遑惟戎器方急紹興二年詔於行在別置作院造器甲令工部長貳提點郎官逐旬點檢少府監既歸工部文思院上下界監官並從本部辟差又詔御前軍器所隸工部隆興以後宮室器甲之造寢稀且各分職掌部務益簡特提其綱要焉分案六曰工作曰營造曰材料曰兵匠曰檢法曰知雜又專立一案以御前軍器案爲名裁減吏額共置四十二人○侍郎掌貳尙書之事南渡初長貳互置隆興詔各置一員○郎中員外郎舊制凡制作營繕計置採伐

材物按程式以授有司則參掌之建炎三年詔工部郎官兼虞部屯田郎官兼水部隆興元年詔工部屯田共一員兼領自此四司合爲一矣淳熙九年以趙工虞爲屯田員外郎自是不復省○屯田郎中員外郎掌屯田營田職田學田官莊之政令及其租入種刈興修給納之事凡塘濼以時增減堤堰以時修葺并有司修葺種植之事以賞罰詔其長貳而行之分案三置吏八○虞部郎中員外郎掌山澤苑囿場冶之事辨其地產而爲之厲禁凡金銀銅鐵鉛錫鹽礬皆計其所入登耗以詔賞罰分案四置吏七○水部郎中員外郎掌溝洫津梁舟楫漕運之事凡堤防決溢疏導壅底以時約束而計度其歲用之物修治不如法者罰之規畫措置爲民利者賞之分案六置吏十有三紹興累減吏額四司通置三十三人

〔文獻通考〕文思院宋太平興國三年置掌造金銀犀玉工巧之物金彩繪素裝鈿之飾以供輿輦冊寶法物及凡器服之用隸少府監紹興三年詔少府監併歸文思院其監官從工部辟差工部言所轄文思院舊分上

下界監官三員內一員文臣係京朝官上界造作金銀珠玉下界造作銅鐵竹木雜料欲依舊分爲上下界從之隆興二年詔併禮物局入文思院〔李心傳建炎以來朝野雜記〕四提轄文思院其一也監官分上下兩界而轄官兼綜之先是轄官外補爲州內遷則寺監丞簿近歲望稍輕往往更遷六院官或出爲添倅

謹案文思院爲宋四轄官之一初屬少府監後乃併隸工部蓋卽如今之製造庫其以文思爲名則取考工記量銘時文思索允臻其極之義也

〔宋史職官志〕將作監舊制判監事一人以朝官以上充元豐官制行始正職掌置監少監各一人丞主簿各二人監掌宮室城郭橋梁舟車營繕之事少監爲之貳丞參領之凡土木工匠板築造作之政令總焉辨其才幹器物之所須乘時儲積以待給用庀其工徒而授以法式凡營造有計帳則委官覆視定其名數驗實以給之歲以二月治溝渠通壅塞乘輿行

幸則預戒有司潔除均布黃道凡出納籍帳歲受而會之上於工部熙寧
初以嘉慶院爲監其官屬職事稽用舊典已而盡追復之元祐七年詔頒
將作監修成營造法式八年又詔本監營造檢計畢長貳隨事給限丞簿
覆檢崇寧五年詔將作監應承受前後特旨應副外路并府監修造差撥
人工物料遵執元豐條格不得應副宣和五年詔罷營繕所歸將作監分
案五置吏二十有七所隸官屬十○修內司掌宮城太廟繕修之事○東
西八作司掌京畿內外繕修之事○竹木務掌收諸路水運材植及抽算
諸河商販竹木以給內外營造之用○事材場掌計度材物前期樸斲以
給內外營造之用○麥麩場掌受京畿諸縣夏租麩麩以給圻墁之用○
審務掌陶爲磚瓦以給營繕及坼缶之器○丹粉所掌燒變丹粉以供繪
飾○作坊物料庫第三界掌儲積財物以備給用○退財場掌受京畿內
外退棄材物掄其長短有差其曲直中度者以給營造餘備薪爨○簾箔
場掌抽算竹木蒲葦以供簾箔內外之用○建炎三年詔將作監併歸工

部紹興三年復置丞仍兼總少府之事十年置主簿一員十一年詔依司農太府寺置長貳一員隆興初宮室無所營繕百工器用屬之文思院以隸工部本監惟置丞一員餘官虛而不除乾道以後人材甚多監少丞簿無闕凡臺省之久次與郡邑之有聲者悉寄徑於此自是號爲儲才之地而營繕之事多俾府尹畿漕分任其職焉

〔文獻通考〕修內司監官二人以朝官及內侍充東西八作司勾當官各三人以京朝官諸司使副充竹木務勾當官一人以京朝官充事材場監官二人以京朝官三班使臣充麥麴場監官一人以三班使臣充審務監官三人諸司使副充丹粉所監官一人內侍充作坊物料庫監官三人以京朝官及內侍三班使臣充退材場監官一人以京朝官充簾箔場監官二人以京朝官充

謹案宋將作監官屬據史所載職掌以今制準之修內司八作司當爲今營繕司之事竹木務事材場當爲今皇木廠木倉二監督之事審務

當爲今審廠監督之事簾箔場當爲今製造庫所屬門簾庫之事然考
曹士冕法帖譜系載有修內司帖爲淳熙十二年修內司奉旨模勒上
石又陶宗儀輟耕錄載渡江後有邵成章置審於修內司造青器名內
審則是修內司又兼司鐫刻陶冶之事不止宮城太廟之工作矣今故
互見內務府表內云

〔李燾續資治通鑑長編〕嘉祐三年十一月己丑詔曰天下利害繫於水
爲深自禹制橫潰功施三代漢用平當領河堤劉向護都水皆當時名儒
風迹可觀近世以來水官失職宜修舊制庶以利民其置在京都水監凡
內外河渠之事悉以委之應官屬及本司合行條制中書門下裁處以聞
以御史知雜呂景初判監鹽鐵判官領河渠司事楊佐同判河渠司勾當
公事孫琳王叔夏知監丞事

〔宋史職官志〕都水監判監事一人以員外以上充同判監事一人以朝
官以上充丞二人主簿一人並以京朝官充輪遣丞一人出外治河掃之

事或一歲再歲而罷其有諳知水政或至三年置局於澶州號曰外監元豐正名置使者一人丞二人主簿一人使者掌中外川澤河渠津梁堤堰疏鑿浚治之事丞參領之凡治水之法以防止水以溝蕩水以澮寫水以陂池瀦水凡江淮海所經都邑皆頒其政令視汴洛水勢漲涸增損而調節之凡河防謹其法禁歲計菱楫之數前期儲積以時頒用各隨其所治地而任其責興役至十月止民功則隨其先後毋過一月若導水溉田及疏治壅積爲民利者定其賞罰凡修堤岸植榆柳則視其勤惰多寡以爲殿最南北外都水丞各一人分職莅事卽干機速非外丞所能治則使者行視河渠事元祐四年復置外都水使者五年詔南北外都水丞並以三年爲任祥符二年詔罷北外都水丞以河事委之漕臣三年復置宣和元年工部尙書王詔言乞選差曾任水官諳練者爲南北兩外丞從之宣和三年詔罷南北外都水丞司依元豐法通差文武官一員分案七置吏三十有七所隸有街道司掌轄治道路人兵若車駕行幸則前期修治有積

水則疏導之建炎三年詔都水監置使者一員紹興九年復置南北外都水丞各一員南丞於應天府北丞於東京置司十年詔都水事歸於工部不復置官

〔續資治通鑑長編〕嘉祐二年置街道司指揮兵士以五百人爲定額

謹案宋史河渠志凡修濬防築皆領於都水監當時在外者別無專領河務之官故都水監雖立署京師而實隸司措置有事或親往相度蓋兼有今河道總督之職與都水司但掌河工程式者不同至南北外都水丞則置司外郡當如今各省管河道員之職尤與京局有殊今故別詳於河道各官表內至街道司爲都水監屬而嘉祐二年都水監尙未設官已有置街道司指揮兵士之文見於通鑑長編是必先有此職後始來屬特史文不詳其初隸何署耳

〔章俊卿山堂考索〕嘉祐中京師大水始取三司之河渠案置都水監元豐官制復以三司冑曹案歸之軍器監修造案之是歸之將作監三監皆

隸工部

〔陸游老學庵筆記〕元祐初蘇子由爲戶部侍郎建言都水監本三司之河渠案將作監本三司之修造案軍器監本三司之冑案三司今戶部而三監乃屬工部請三監皆兼隸戶部凡有所爲戶部定其事之可否裁其費之多寡而工部任其工之良楛程其作之遲速朝廷從其言爲立法及紹聖中以爲害元豐官制罷之建中靖國中或欲復從元祐已施行矣時豐相之爲工部尙書獨持不可曰設如都水監塞河軍器監造軍器而戶部以爲不可則已矣若以爲可則併任其事可也今若戶部吝其費裁損之乃令工部任河之決塞器之利鈍爲工部者不亦難乎議遂寢

謹案據章俊卿陸游所記則宋之將作都水二監雖各置長貳實爲工部所統屬故都水後遂併入工部將作雖復置而歲會籍帳亦必上於工部也至軍器一監其職亦今虞衡司所有事而當時御前軍器皆歸其造作與今武備院所掌尤近故列入內務府表內焉

遼

〔遼史百官志〕宣徽北院太宗會同元年置掌北院御前祇應之事○北院宣徽使○知北院宣徽事○北院宣徽副使○同知北院宣徽事○宣徽南院會同元年置掌南院御前祇應之事○南院宣徽使○知南院宣徽事○南院宣徽副使○同知南院宣徽事

〔遼史本紀〕聖宗統和元年虞部員外郎崔祐分決滯獄開泰二年戶部侍郎劉涇加工部尚書興宗景福元年十月工部尚書高德順使宋重熙十七年將作少監王全使夏

〔遼史文學傳〕李澣授翰林學士穆宗卽位累遷工部侍郎

〔遼史百官志〕諸監職名有將作監都水監

謹案遼北面官僚以宣徽視工部而所司乃御前祇應之事則當兼有漢唐少府職事也至南面官僚史志不詳今參考紀傳所載職名略著一二以見當時工部及將作都水二監設官之大概焉

〔金史百官志〕工部尚書一員正三品侍郎一員正四品郎中一員從五

品掌修造營建法式諸作工匠屯田山林川澤之禁江河堤岸道路橋梁

之事員外郎一員從六品貞祐五年兼覆實司主事二員從七品令史十

女直四人譯史二人通事一人覆實司管勾一員從七品隸戶工部掌覆實營造材物工

匠價值等事太安元年隸三司工部罷同管勾貞祐五年併罷之以○文

思署令從六品丞從七品掌造內外局分印傘浮圖金銀等尙輦儀鸞局

車具亭帳之物屬少府監○都水監正四品掌川澤津梁舟楫河渠之事

少監從五品丞正七品街道司管勾正九品掌灑掃街道修治溝渠○都

城所提舉從六品同提舉從七品掌修完廟社及城隍門鑰百司公廨係

官舍屋并栽植樹木工役等事左右廂官各二員正八品掌監督工役受

給官二員正八品掌支納諸物及埏埴等事甄官署令從六品丞從七品

直長正八品掌劓石及埏埴之事右皆屬尙書工部○八作左右院掌收

軍須軍器○中都木場使一員從八品副使一員判官一員皆正九品掌

拘收材木諸物及出給之事司吏一人庫子四人花料一人木匠一人

謹案金工部覆實司管勾當即今料估所之職故亦多以員外郎主事

兼之其都城提舉司專掌工役則如今營繕司之職八作院專主兵器

則又如今虞衡司之職而中都木場使拘收材木則今木倉木廠之職

也至都水監之制與宋略同其別置外監蓋即宋之外都水丞今故列

入河道諸官篇內云

元

〔元史百官志〕工部尚書三員正三品侍郎二員正四品郎中二員從五

品員外郎二員從六品掌天下營造百工之政令凡城池之修濬土木之

繕葺財物之給受工匠之程式銓注局院司匠之官悉以任之世祖中統

元年右三部置尚書二員侍郎二員郎中五員員外郎五員內二員專署

工部專至元元年始分立工部尚書四員侍郎三員郎中四員員外郎五

員三年復合為右三部七年仍自為工部尚書二員侍郎仍二員郎中三

員員外郎如舊二十三年定尚書侍郎郎中員外郎各以二員為額明年

以曹務繁冗增尚書二員二十八年省尚書一員首領官主事五員蒙古

筆且齊解見吏部篇六人令史四十二人回回令史四人克埒穆爾齊解見吏部篇

一人知印一人奏差三十人蒙古書寫一人典史七人又司程官四員右

三部照磨一員典史七人其屬諸色人匠總管府秩正三品掌百工之技

藝置達嚕噶齊解見戶部倉場衙門篇一員總管一員同知二員副總管二員經歷

一員知事一員提控案牘一員令史五人譯史一人奏差四人提舉都城

所秩從五品提舉二員同提舉二員副提舉二員吏目一員照磨一員掌

修繕都城內外倉庫等事至元三年置受給庫秩正八品提領一員大使

一員副使一員掌京城內外營造木石等事至元十三年置光熙門審場

提領一員大使一員副使一員給從八品印至元二十五年置

〔陶宗儀南村輟耕錄〕工部有覆寶司

〔富大用事文類聚〕大元工部置令史分掌名頭以尙書爲長

謹案元之工部官屬名目甚多今以職守互相參考惟諸色人匠總管似今之製造庫提舉都城所亦今營繕司所掌之一端受給庫似今之木倉審場提領似今之審廠故並著之於表而其餘則概從略焉至元代左右八作司掌出納內府器物與宋金專領繕造者不同今別入內務府表內又覆實司見輟耕錄蓋沿金舊制所設而元志不載當屬脫漏今並加考補同繫於表

〔元史百官志〕大都留守司兼理營繕內府諸邸都宮原廟其屬修內司秩從五品掌修建宮殿及大都造作等事提點一員大使一員副使一員直長五員吏目一員照磨一員部役七員司吏六人中統二年置其屬大木局提領七員管勾三員掌殿閣營繕之事中統二年置小木局提領二員同提領一員副提領三員管勾二員提控四員中統四年置大都四審場秩從六品提領大使副使各一員營造素白琉璃磚瓦至元十三年置

其屬南審場大使副使各一員中統四年置西審場大使副使各一員至元四年置琉璃局大使副使各一員中統四年置木場提領一員大使一員副使一員掌受給營造宮殿材木至元四年置南東二木場十七年併為一場○都水監秩從三品掌治河渠并堤防水利橋梁牐堰之事少監一員正五品監丞二員正六品經歷知事各一員令史十人蒙古筆且齊解見吏部篇一人回回令史一人通事知印各一人奏差十人壕寨十六人典吏二人至元二十九年領河道提舉司大德六年陞正三品延祐七年仍從三品

〔事文類聚〕都水監舊水部之職也

謹案元之大都留守司本名宮殿府行工部至元十九年始改置是其職原為工部分曹而其後所掌事繁遂兼有今內務府步軍統領之職今以所屬修內司四審場木場與今營繕司琉璃審廠皇木廠官制相合故繫之於此而其他則各從互見至所云大木局小木局者考虞集

經世大典謂木工之名則一而藝有大小如營建宮室則大木之職若舟車以濟不通凡案以適用皆小木之為其命名之意蓋本諸此亦史所未及也又案齊履謙作郭守敬行狀稱守敬初為都水監至元十三年都水監併入工部遂除工部郎中二十八年復置都水監俾守敬領之是都水監先曾廢入工部後始復設而虞集經世大典敘錄又稱大德間改修橋梁都水監計料工部應付工物委官督工據此則凡興作仍領於工部都水監不過司其料估程式故富大用以為水部舊職歟

明

〔明史職官志〕工部尚書一人正二品左右侍郎各一人正三品其屬司務廳

司務二人從九品營繕虞衡都水屯田四清吏司各郎中一人正五品後增設都水司郎

中四員外郎一人從五品後增設營繕司員外郎一人正六品後增設都水司主事五

人營繕司主事三人虞衡司所轄營繕所所正一人正七品所副二人正八品

主事二人屯田司主事一人所轄營繕所所正一人正七品所副二人正八品

所丞二人正九品文思院大使一人正九品副使二人從九品皮作局大使一人

正九品 副使二人從九品後革 鞍轡局大使一人正九品 副使一人從九品隆慶元年大使副使俱

革 顏料局大使一人正九品後革 軍器局大使一人正九品 副使二人後革 節慎

庫大使一人從九品嘉靖八年設 織染所雜造局大使一人正九品 副使一人從九品廣

積通積盧溝橋通州白河各抽分竹木局大使各一人副使各一人大通

關提舉司提舉一人正八品萬曆二年革 副提舉二人正九品 典史一人後副提舉典史俱革柴

即炭司大使一人從九品 副使一人尚書掌天下百工山澤之政令侍郎佐之

營繕典經營興作之事凡宮殿陵寢城郭壇場祠廟倉庫廨宇營房王府

邸第之役鳩工會材以時程督之凡鹵簿儀仗樂器移內府及所司各以

其職治之而以時省其堅潔而董其竄濫凡工匠二等曰輪班三歲一役

役不過三月皆復其家曰住坐月役一旬有稍食工役二等以處罪人輸

作者曰正工曰雜工雜工三日當正工一日皆視役大小而揆節之凡物

料儲侍曰神木廠曰大木廠以蓄材木曰黑窰廠曰琉璃廠以陶瓦器曰

臺基廠以貯薪葦皆籍其數以供修作之用虞衡典山澤採捕陶冶之事

凡鳥獸之肉皮革骨角羽毛可以供祭祀賓客膳羞之需禮器軍實之用
歲下諸司採捕水課禽十八獸十二陸課獸十八禽十二皆以其時冬春
之交置鼠不施川澤春夏之交毒藥不施原野苗盛禁蹂躪穀登禁焚燎
若害獸聽爲陷竄獲之賞有差凡諸陵山麓不得入斧斤開窰冶置墳墓
凡帝王聖賢忠義名山岳鎮陵墓祠廟有功德於民者禁樵牧凡山場園
林之利聽民取而薄征之凡軍裝兵械下所司造同兵部省之必程其堅
緻凡陶甄之事有歲供有暫供有停減籍其數會其入毋輕毀以費民凡
諸冶飭其材審其模範付有司錢必準銖兩進於內府而頒之牌符火器
鑄於內府禁其以法式洩於外凡顏料非其土產不以征都水典川澤陂
池橋道舟車織造券契量衡之事水利曰轉漕曰灌田歲儲其金石竹木
卷掃以時修其閘壩洪淺堰圩隄防謹蓄洩以備旱潦無使壞田廬墮墜
禾稼舟楫磴碾者不得與灌田爭利灌田者不得與轉漕爭利凡諸水要
會遣京朝官專理以督有司役民必以農隙不能至農隙則僦功成之凡

道路津梁時其葺治有巡幸及大喪大禮則修除而較比之凡舟車之制曰黃船以供御用曰遮洋船以轉漕於海曰淺船以轉漕於河曰馬船曰風快船以供送官物曰備倭船曰戰船以禦寇賊曰大車曰獨轆車曰戰車皆會其財用酌其多寡久近勞逸而均劑之凡織造冕服誥勅制帛祭服淨衣諸幣布移內府南京浙江諸處周知其數而慎節之凡公侯伯鐵券差其高廣凡祭器冊寶乘輿符牌雜器皆會則於內府凡度量權衡謹其校勘而頒之懸式於市而罪其不中度者屯田典屯種抽分薪炭夫役墳塋之事凡軍馬守鎮之處其有轉運不給則設屯以益軍儲其規辦營造木植城磚軍營官屋及戰衣器械耕牛農具之屬凡抽分征諸商視其財物各有差凡薪炭南取洲汀北取山麓或徵諸民有本折色酌其多寡而撙節之夫役伐薪轉薪皆僱役凡墳塋及堂碑碣獸之制第宗室勳戚文武官之等而定其差洪武初置工部及官屬以將作司隸焉

吳元年置將作司卿

正三品少卿正四品左右提舉司提舉正六品同提舉從六品司程典簿副提舉正七品軍需庫大使從八品副使正九品洪武元年以將作司隸

工部 六年增尙書侍郎各一人設總部虞部水部并屯田爲四屬部總部設

郎中員外郎各二人餘各一人總部主事八人餘各四人又置營造提舉

司洪武六年改將作司爲正六品所屬提舉司改正七品尋更置營造提舉司及營造提舉分司每司設正提舉一人副提舉二人隸將作司

八年增立四科科設尙書侍郎郎中各一人員外郎二人主事五人照磨

二人十年罷將作司十三年定官制設尙書一人侍郎一人四屬部以屯田部

爲屯部各郎中員外郎一人主事二人十五年增侍郎一人二十二年改總

部爲營部二十五年置營繕所改將作司爲營繕所秩正七品設所正所副所丞各二人以諸匠之精藝者爲之

二十九年又改四屬部爲營繕虞衡都水屯田四清吏司嘉靖後添設尙

書一人專督大工

〔明史劉麟傳〕工部四司財物悉貯後堂大庫司官出納多侵漁麟請特

除一郎官主之帝稱善因賜名節慎庫

〔孫承澤春明夢餘錄〕劉麟奏建庫疏云本部蓋有大庫一座欲量加修

葺比照戶部太倉庫添設庫官庫吏限以收放之期定以查盤之法按季

輪差郎中員外郎等官一員監管其事

〔明史食貨志〕嘉靖中修工部舊庫名曰節慎庫以貯礦銀尙書文明以給工價帝詰責之令以他銀補償自是專以給內用焉

〔春明夢餘錄〕冬官治土地故自唐宋以來司空署有屯田司其說亦有本今六卿之職大異周官而明制屯軍之牛具農器屬於工部屯田司則其意自有在後問其官所職何事亦不知矣

謹案將作監明初改爲將作司尋隸工部爲營繕所其都水監之職亦於明初始廢而改水部爲都水司其宋元之外都水監行都水監則別置總河都御史以治其事於是歷代將作都水兩官其職皆專屬於工部矣

又案明代興作之事其初悉歸工部厥後漸以宦官督理蓋自永樂中已遣太監阮安營北京城池宮殿諸司府廨工部特奉行而已嗣自內臣日益恣橫往往擅興工役侵漁乾沒不可殫計如成化時李廣建顯

靈宮及諸祠廟至帑金七窖皆盡他若炭廠窯場亦多以內豎爲提督以致侵撓有司刻剝閭里工匠廝役傳奉得官其弊皆由之而出我國家飭材庀工法式具備凡有營建繕完皆由工部及內務府奏請領以大臣董以司屬先之估計以受其值繼之銷算以會其成執藝在官悉由和顧期限適中出納有準是以物無浮費役無曠功考工之制誠爲遠軼周官矣

欽定歷代職官表卷十五